

東光縣志

東光縣志卷八

光緒十二年重修

人物志上

漢書古今人物表自帝王至士庶雖分九等大約以德行品誼相高不以貴賤論也然後之人猶有嗛焉謂其述古而遺今又所第或未盡愜耳不知其今人皆臚於列傳事蹟具垂褒貶自寓亦何爲未畢書哉今師列傳之遺故以仕績稱首而忠節又別錄之以孝友爲先而義行亦別錄之至於文學足爲邦國之光隱逸足徵高尚之志技藝亦彰片善之長皆區別而敘錄之語曰十室之邑必有忠信惟能忠信故雖

東光縣志

卷八

人物志上 仕績

一

貧賤終身亦必取爲法若不忠信卽高官厚爵亦必削而除後人宜知所擇矣志人物  
仕績

宋

劉甲字師文永靜軍東光人元祐宰相摯之後也父著

爲成都漕幕葬龍游因家焉

進士題名  
東光人

甲淳熙二年

進士累官至度支郎中遷樞密院檢討兼國史院編修官實錄院檢討官使金至燕山伴宴完顏者名犯仁廟嫌諱甲力辭完顏更名修九月三日金宴甲以宣仁聖烈后忌辭還除司農少卿進太常擢權工部

侍郎陞同修撰除寶謨閣待制知江陵府湖北安撫使移知瀘州程松爲四川宣撫使吳曦副之以甲知興元府利東安撫使時蜀口出師敗衄金陷西和成州曦焚河地縣先是曦已遣姚淮源獻四州於金金鑄印立曦爲蜀王甲時在漢嘉未至鎮也金人破大散關興元都統制毋思以重兵守關而曦陰徹驀關之戍金自板岔谷繞出關後思孤軍不能支遂陷松謀遁甲固留不可據以便宜檄甲兼沿邊制置曦遣王鉞趙觀以書致甲甲援大義拒之因臥病曦又遣其弟旼邀甲相見甲叱而去之乃援顏真卿河北故

事欲自拔歸朝先募二兵持帛書遺參知政事李壁告變曦僭王位甲遂去官朝廷久乃微聞曦反狀韓侂胄猶不之信甲奏至舉朝震駭壁袖帛書進上覽之稱忠臣者再以帛書賜甲曰所乞致仕實難允從召赴行在二兵皆補官甲舟行至重慶聞安丙等誅曦復還漢中上奏待罪詔趣還任甲奏叛臣子孫族屬及附僞罪狀公論快之會安丙以楊巨源自負倡義之功陰欲除之巨源旣死軍情叵測除甲宣撫使未幾金自鵲嶺關進屯八里山甲分兵進守諸關截潼川戍兵駐饒風嶺以待之金人知有備引去侂胄

誅上念甲精忠拜寶謨閣學士賜衣帶鞍馬朝廷聞彭輅與丙不協以書問甲又俾論丙汰諸軍勿過甚明年罷宣撫司合利東西爲一帥治興元移甲知潼川府安丙旣同知樞密院事董居誼爲制置使甲進寶謨閣學士知興元府利路安撫使節制本路屯駐軍馬朝廷計居誼猶在道命甲權四川制置司事先是大臣撫蜀者諸將事之有所謂互送禮實賄賂也甲下令首罷之凡丙所立茶鹽柴邸悉廢之丙增多田稅甲命屬吏討論由一府言之歲減凡百六十萬緡米麥萬七千石邊民感泣嘉定七年卒於官年七

東光縣志

卷八 人物志上 仕績

三

十三甲幼孤多難母病刲股以進生平嘗謂吾無他長惟足履實地書所爲夜必書之名曰自監爲文平

澹有奏議十卷理宗詔諡清惠

宋史

除潼川安撫劉甲誥當一面以纘戎式倚金湯之固遴羣工而選牧孰踰簪橐之英肆隆易鎮之恩庸懋幹方之績朝議大夫煥章閣待制潼川府路兵馬都鈐轄兼本路安撫使知瀘州軍州事兼管內勸農使賜紫金魚袋劉甲望高時輩志在本朝智略敢而每推誠於獻納文武爲憲俄自跋于翰藩粵從制御之行益見壯猷之展荆州植纛端有去思瀘水書符已歌來暮朕輯甯王度鞏固邊陲厥今閩寄之雄無若漢中之地惟天設險瞻劍閣以猶存衆志成城得實臣而可恃委帥權之重仍聯禁路之華顧眷倚之方深實修攘之允賴因利乘便勢雖易於建領和衆安民備莫先於徹士

務寬憂顧  
嗣對寵褒

劉震孫庠生以父甲廕中書陞戶部主事除福建常平

倉使者有惠政

續志稿

除福建常平劉震孫制劉震孫以元祐名臣之裔文學政事見稱當時入則嘗為言語文字之官出則屢膺禮樂光華之遣使輶所至民氣為蘇是蓋識大體者閩更歉歲而值有秋常平使者繫斯民司命是用起家而予節焉其尚時斂散公激揚以稱予選使之意

元

徹里鐵木兒字士芳欽察氏東光人至正十九年任山

西稷山縣達魯花赤與縣尹葛克敬善相與均賦役

立庠序興利革弊政化以新邑人戴之立碑以頌德

政稷山縣志

東光縣志

卷八 人物志上 仕績

四

稷山郝希文撰德政碑記方今天下失甯盜賊竊發占據城池蹂踐生靈何可勝紀於斯時也擁強兵專方面者每以軍食軍需為重名項之多奚啻百端任守令者且奔走供給之不暇其間以撫字教育自任者不一二見設以魏焦之人出以涸瘵之餘民應無己之追求亦將如之何哉又况有資質賢愚之不齊古今人物之不逮此其所以得人之難而於斯時之尤難也稷之為邑土厚泉甘乃陶唐之境內后稷之故墟俗尚樸儉而不嗇紡績織紉耕田鑿井上以供公家軍儲之費下以給父母妻孥之養昔人所謂有堯舜之遺風而號稱易治豈虛語哉我監邑名徹里鐵木兒字士芳欽察氏景州東光人也下車於己亥之冬大尹葛君名裡字克敬霸州文安人也蒞政於庚子之春二侯肝膽相照親若兄弟乃相謂曰比見同僚不和以病民者多也况今天下多事之秋縱不能施善政以養吾民奈何蹈其轍以困吾民乎於是相與立法度振紀綱均賦役量民力之有無視土田之肥瘠分鄉社為九等賦役既均事至物來隨其大小高下應之而無難焉先敦請師儒每社立學一

所選民間俊秀子弟以充生徒乃為民正疆界勸  
耕耘通溝洫教樹蓄使民知職分之所當為務農  
於春夏之間講學於秋冬之際桑麻蔽野學校雲  
興衣食有餘而人材彬彬矣此皆二侯政化之所  
施非徒然也去歲之大旱自春徂夏雨雪絕少葛  
侯乃捐俸金購香果齋戒沐浴露頂跣足徧禱羣  
祠旦暮不怠者數日而雨大作沾濡滂沛易凶年  
為樂歲侯之德非徒能化乎民其精誠亦且通於  
神明矣嗟夫苟令長不得其人專以蠶食為務老  
者不得安其居少者不得盡其養弛農隙之教肆  
凶惡蠹賢良使民之脂膏日侵月削彼方偃然自  
以為得志其於國家付託之本意為何如也其視  
葛侯愛民如子而民仰之如父母者不啻陰陽晝  
夜之相反矣蓋惟本於誠正修齊之功根於心而  
發於人故其為政也寬猛得宜剛柔相濟纖毫悉  
舉是誠可為循良吏故不可不紀詩曰姑射蒼蒼  
汾水湯湯中有哲人為民之章不寬不猛侯伯之  
防春花秋菊雨露時芳如松之茂如竹之剛愛利  
斯民教勸有方禾麻蔽野二  
麥雲黃豐碑永建厥德靡亡

東光縣志

卷八 人物志上 仕績

五

明

張謙祖冲素長沙府通判父從恕鎮西甯總管洪武初

謙以茂才舉授陝西兩當典史卓有政聲舊志

馬孔惠字孝卿宜章縣令經之子成化八年進士授兵

科給事中剛方自持彈劾不避權要凡所陳奏多裨

時政尋以論中官忤旨左遷福建參議雍正通志

廖紀字時陳一作陳廷東光人宏治三年進士授考功主事

屢遷文選郎中正德中歷工部右侍郎提督易州山

廠羨金無所私遷吏部左右侍郎世宗立拜南京吏

部尚書調兵部參贊機務被論解職嘉靖三年大禮

議既定吏部尚書楊旦赴召道劾張璉桂萼璉萼之  
黨陳洸遂劾旦而薦紀帝罷旦以紀代之紀疏辭言  
臣年已七十精力不如喬宇聰明不如楊旦時宇旦  
方爲帝所惡不許光祿署丞何淵請建世室祀興獻  
帝下廷議紀等執不可帝弗從紀力爭曰淵所言干  
君臣之分亂昭穆之倫蔑祖宗之制臣謹昧死請罷  
勿議不納會廷臣多爭者議竟寢已條奏三事其末  
言人材當惜謂正德之季宗社幾危議者但知平定  
逆藩之功而不知保護京師之力自陛下繼統老成  
接踵去新進連茹登以出位喜事爲賢以凌分犯禮

爲貴伏望陛下於昔年致仕大臣念其保護之勳量  
行召用其他降職除名遣戍者使得以才自劾帝但  
納其正士風重守令二事而已三邊總督楊一清召  
還內閣璉等欲起王瓊紀推彭澤王守仁帝不允復  
以鄧廷璋王憲名上竟用憲五年正月御史張袞喻  
茂堅朱實昌以世廟禮成請宥議禮得罪諸臣璉萼  
亦以爲請章俱下吏部紀等列上四十七人卒報罷  
御史魏有本以劾郭勛救馬永謫官給事中沈漢等  
論救帝不聽紀從容爲言且薦永及楊銳帝納之有  
本得無謫紀在南都持議與璉合坐是劾罷璉輩欲

引助已遂首六卿而紀顧數與牴牾輩亦不喜年  
老稱病乞歸許之去初獻皇實錄成加太子太保至  
是進少保賜敕乘傳夫廩祀故事有加卒贈太保諡

信靖祀鄉賢著有四書管窺童訓等書

明史兼  
通志

馬汝松字節甫號禹山世業農桑父堯輔薄宦有冰蘖  
聲汝松負性簡重博洽多聞嘉靖十九年經魁二十  
三年成進士起家中書舍人秩滿奏績擢工科給事  
中正色立朝丰采凜然歷數載晉都本科與楊椒山  
公同鄉薦夙稱莫逆議論多符爲名諫臣越七年竟  
以直言忤權罷歸終不復仕日娛詩文課諸子學無  
一語撓守牧權亦無尺一走長安道中輿論高之所  
居故白扉至不容車河間士大夫號爲清門先生卒  
年五十有二祀鄉賢著有疏論遺編清門先生詩鈔

舊志

邑令蕭德宣題馬禹山遺像詩一疏寒奸膽椒山  
又禹山同年完大節異代見奇顏報國心終赤歸  
田鬢始斑至今觸  
邪意隱約兩眉間

莊蒞民字善甫號禮齋年十七補博士弟子第一旋奉  
父命赴都從翰林席虛山學卓有譽望嘉靖十年以  
麟經魁畿內二十六年舉進士筮仕山陽縣大計治  
化居天下第二先時有當道子過山邑索夫役竟弗



應及行取將處以科道當道者語執事曰莊山陽乃至此耶銓部阿其意授刑曹焉恤刑絳都議賑淮上衡財折獄各有成績遂以刑曹出守陝西西安府是年陞本省按察司分巡河西道副使駐鄜州經畫陝以西之北邊關輔士大夫學官弟子暨正學書院諸弟子咸贈以言有山斗瞻依甘棠遺愛棠蔭頌聲諸圖詩以誌不忘嗣調雲南參政德教化無異於陝遷山西行太僕寺卿致仕年九十卒祀鄉賢著有宣

達錄

舊志

邑人王嘉言祭莊太僕文嗚乎公生穎異抱奇蘊珍天性嗜學疑然不羣援筆攜藻咄咄驚人掉鞅

東光縣志

卷八 人物志上 仕績

八

棘圍踔厲北省遂魁春秋榮我鄉井公車數困芙蓉秋冷池中蛟龍忽得雲雨喬烏既搏必琴即鼓愷悌宜人允稱父母入司爽鳩出賑淮浦所活萬人頌聲斯普剖符西安出守專城寬和不擾藉甚黃丞華岳增高渭水同清晉秩臬副恩威愈宏載乏罔卿蔚有聲稱公也倦遊懸車在里芬華靡耽寓興文史奕奕嗣人克濟其美或登賢科或遊山水質有其文彬彬君子嗟我敝邑於何儀型高山仰止實藉老成心也日暎行也蘭馨六十杖鄉八十耄昏公也九十不杖不昏朝言嘻嘻夕言怡怡三日不見溘然長歸雖云壽考吾黨何依曰余小子方幸得師今也何賴尤懷之悲

王嘉言字孔彰號慎齋生而穎慧年十六補博士弟子

嘉靖三十七年舉於鄉四十四年捷南宮選庶常隆

慶元年改授浙江道監察御史入西臺以風紀言責

爲已任會華亭與新鄭忤因上言傷直遂與新鄭有

卻會乾清坤甯工成詔爲尙寶司卿無何新鄭復相  
出知揚之通州後遷同知夔州府又嘗視篆瀘州越  
二年陞南京戶部湖廣司郎中未任改禮部儀制司  
因忤尙書潘新昌出知山東濮州上書陳情詔許終  
養終制後直指屢薦不起優游林泉二十餘年年七

十卒祀鄉賢著有書經四書講義太史集

舊志兼續志稿

廣陵凌鵬翼撰德政傳前知通州王公諱嘉言爲  
御史時抗論高相國回籍高復相思中之以莫得  
其疵但謫守通州公以名卿直指左遷一郡仁明  
廉介天植其性常俸之外分毫取其自奉省約  
一如寒素日惟具簋肉供母妻子不及焉會歲大  
裨諭居民以貧富相恤之誼復引咎自責民見之  
無不感激獻歛已遂捐奉爲倡而親詣殷厚之家  
折身稽首爲惇獨請命得粟五千餘石分曹舉火

東光縣志

卷八 人物志上 仕績

九

以食餓者旁邑聞之扶攜來就全活數萬餘人是  
歲公賦盡逋公復捐羨鏹若干緡代完之然公作  
事不爲粉飾方賑給時日必味爽起遞至其所口  
嘗之以飭勞必潔而又以藥餌療其羸病時時存問  
痊否故勞瘁兼染疫臥病月餘方起病時時存問  
於廟無虛日其後公或以他事行境外田夫野婦  
望其幢蓋輒罷鉅鏹低回攀戀若見其慈母云民  
有坐大辟者錮圜十餘年矣然其孽實非己作  
公廉得之曰囚不應死死非法雖然當吾而不出  
囚死耳人固知無鬻獄之王通州也力出之一郡  
稱平他如此類甚多然其鋤惡特嚴豪不法者必  
立置之辟雖託權貴居間終無少轉教育諸生恩  
禮隆懋爲諸器濟婚者二人瞻葬者十餘人他如  
葺學宮造祭器河渠均徭役寬催科之餘革征  
收之弊種種善政難以具舉以入觀去抵京費不  
足白其兄鬻產兄曰固家於官爾以官累家耶  
竟義而從之至如異政著於夔府高節表於禮署  
母老乞養封印端歸自前錄茲不具載於通州  
黃江撰德政流芳詩序王公小試吾通化行期月  
仁廉公正之聲播揚遐邇難以殫述救荒一行政所

賴以全活者幾萬餘衆蠲俸勸借措置得宜尤膾炙人口及蝗旱之弭婚喪之助雖古之循良不是過也江一人之言不足揄揚其萬一故採諸吾鄉搢紳暨合學師友之詠歌者彙以成帙一以見我公德政之善一以見通人感激之情而學校公論亦允協矣

馬允登字叔先都諫汝松季子也初汝松以冊藩使過家夜夢日光射腹詰旦生允登十歲能屬文十三入邑庠弱冠知名爲高等年二十有一丁父憂後中隆慶五年進士初令齊河齊民見其年少心易之邑故有賣漿者夫婦以積貲爲人所殺棄屍於野取錢去官求盜不得誣坐他人獄疑久未定允登至廉得真殺人者市中來沽兩少年也誣者遂得脫邑驚爲神

東光縣志

卷八 人物志上 仕績

十

半載齊河大治調濰未行以內艱去官起補河南泌陽令移安陽時民間苦養馬允登請折徵銀部使者以聞著爲令漳河泛溢壞民居死者無數允登時尚未到官聞之單車馳至縣悉收流屍斂埋之發倉分賑召還流移者先給而後報民忘其災前後爲令五年薦剡數十上徵拜御史福建道嘗一巡蘆溝尋按遼劾去將吏穢不法者又按淮陽四郡兼董學政時淮泗大水湖波泛漲與中丞合疏治月河築塘捍湖於外隄延五十里舟臥而過也河成朝廷賜白金復詔紀之已還留主臺務掌河南道內外計咸與聞大

僚貴戚有絳公論者往往露章彈擊雖觸忤賈怨不顧也長安中凡去一宗伯一中丞又請限戚里恩澤無厭禁功臣世家作威京師肅然咸稱爲馬御史壯其風節焉會與同事議持不能平至面執爭詎於是兩出之允登出爲山東副使備青州兵以能遷湖廣參政督漕運至淮南卒時年四十有四漕使者上其勞請加卹旨下格不行中朝公卿與四方交遊之士皆爲泣歎焉祀鄉賢著有彈章記略

舊志參通志府志

臨邑邢侗秋日送馬使君允登轉漕還楚詩轉漕三度下樓船使者威名盡楚天岳牧自憐分轄久省闡應許召君還殘花古驛迷寒兩疏樹晴川咽暮蟬此去衡陽看漸近客程猶在塞鴻先邢侗

東光縣志

卷八 人物志上 仕績

聞盛太古與馬使君有孺子之誼有感詩管記曾隨馬少游恩深國士未能酬豈知畫舸圍碁夜遽作悲楊咽笛秋紙筆五男賢足慰衣冠三輔望全收憑君爲覓巫咸術共揖英魂到十洲邢侗上申相國書馬門生才具幹略不肖縷陳其一之理庶幾由在尼父欲排羣疑犯衆怒而登之昭明躑躅外藩三押漕糧風波盡瘁一旦邳州疾作暴死水濱妻子遠離無人照料乎孤魂者惟有青蠅耳吾師聞此或亦不免心惻乎近日抵東光不肖侗奔弔盡哭稍理其家事又復許其少女續爲婚姻不忍一日負此死友其子五四皆娶長次資學可望大成日者與談漕撫周軍門河道潘軍門皆欲爲提奏優恤而卒不果查靖間貴州右參議王重光以採木卒於旅邸得贈爲太僕少卿近議真河郎中羅用敬亦得贈如前官以允登而論真所謂死於王事者奏求贈錄似未爲過仰惟尊師一賜允行手批數字俾其子得似未爲過仰惟侗不任激切惶懼待命之至邢侗記馬叔先逸事叔先居朝亢直一切不避嫌怨有言官豪少年

某用中黨指持元老申公甚其所用持以山陵故曰法不當相冢書所密疏極危叔先遠伺得實躍馬夜過少年所佯醉批其閭迫少年者前曰勞苦諸君申公宜當何法吾聞之天子以天下爲土山陵之役天且卜之吾曹非堪輿安得以相冢一字書而危相臣構宗社大卻耶公等且休矣少年慮事洩不得行而申公乃得高枕矣丙戌丁亥主內外二計先事揚言曰其貪憚無恥而酷殺人者毋貸其外飾名行而中實陰賊者毋貸一時名士註誤株連岌岌累丸者悉不坐蓋所陰隲善人實多而同事刻深者流自是愈益不醜矣其獎成後進推轂流輩無論齒牙不惜若將傾身焉而急人之難則又傾囊以爲常至所馭郡縣屬吏如麻城周君烏程朱君則平揖而下之曰公等才氣竟當十倍曹丕我何敢以一日惠文而傲若曹及意所不可而憑倚奧援者則又奴隸叱之不少假也邢生侗歲前聞訃走弔路出吳橋有老人嘆曰此必弔馬叔子叔子而逝者吾曹將不煬又數里有井邢生憩焉汲婦啞啞哭聲曰此必弔馬叔子叔子而逝者吾曹將不績嗟乎叔先胡以得此於鄉閭百

東光縣志

卷八 人物志上 仕績

十二

里間  
哉

吳堯年號唐衢明神宗時任錦衣衛指揮使後軍都督

府左都督加太子太保端顏立朝政聲赫著

舊志

莊一鶚字伯得萬曆四十三年以麟經中亞魁任河南

濟源縣令濟舊額漕米二萬餘石徵銀招買官吏賁

緣爲奸一鶚到任後釐剔其弊流寇老獬狗鳩邢紅

郎等盤踞太行濟人震恐一鶚繕城垣訓練鄉勇賊

不敢近分守某忌其成功屢相左賊偵知并力攻濟

分守所請兵將願舍竈君塚移駐邵源一鶚力爭之

弗得而賊果自竈君塚直抵城下諸勇健欲出擊賊

一鶚戒堅壁勿輕動尋大將軍下清虛紫微過虎嶺而東賊宵遁去當事者以一鶚能守調任商水未幾賊南渡一鶚訓練防禦亦如守濟商得無恙有高生者以債受人命之誣前令不能決甫抵任廉得其情力出之一時頌爲神君歲稔捐賑所活以千萬計及解組清風兩袖而已

續志稿

莊一鶚字紹聯幼穎異十歲能屬文天啟七年與弟一夔同舉鄉薦任山東青州府通判爲屬邑博興力治水田民食足國計亦裕崇正十二年署府事守軍乏糧盡出俸餘佐軍需民賴以安十三年秋陞泰安州

東光縣志

卷八

人物志上 仕績

十三

知州未下車聞土寇四起速抵任日夜防禦剿撫得體身居城頭閱六月以勞悴卒年六十有一時崇正十四年二月十日也

同上

王元爽號御李嘉言孫賦性坦直無所脂韋中萬曆三十四年舉人三十八年進士授鎮江推官瀕行父漑槐教之曰孺子慎之有家聲在清白吏子孫還作清白吏於我榮矣旣抵任故有遭大辟某歷讞五案皆知其冤而莫敢問力爲解釋又有罹非法者鐵案三申知實以其不乞於威也久不定乃徑入之當時皆驚訝歎服四十六年推吏部尋丁艱歸服闋復起銓

曹累遷至尙寶司卿時明季牙牌參差間有陞去私  
存者亦有傳留別署者極力搜括牙牌并如居一載  
上疏辭歸七十一歲卒著有四止軒詩稿同上

國朝

馬廷贊字君襄號大還性至孝事父紹箕親舐瘡癰顛  
天代死登順治六年進士授湖廣宜都知縣時楚地  
初開居民寥寥捐俸金給牛種躬勸農桑開地五百  
餘頃宜都地逼賊氛乃練鄉勇築城垣剿撫並施賊  
不敢渡江北下僅二載以勞瘁成疾卒於官其喪之  
歸也行李蕭然惟圖書數帙而已祀鄉賢著有禹貢

東光縣志

卷八 人物志上 仕績

十四

略通志參  
府志

馬之駛字元敏號橘聞

通志作  
道聞誤

少穎悟讀書過目不忘

居父喪廬墓二年成童入邑庠邃於理學文名噪一  
時順治五年舉於鄉次年成進士釋褐授行人奉使  
粵西尋使楚咸趣駕早還不淹遲累守土者旋擢夏  
官督捕郎立剖決無久羈焉囚寒苦無衣捐俸市皮  
衣七十餘衣之活人甚衆任督捕周年值秦閩二楚  
督學缺出

天子命取清勤素著學行兼優者

親試殿前試題書藝一首表一通排律一章之駛頃刻立就

命下特敕督學陝右入關後科試諸生甄拔悉知名士歲試未竣遂積勞成疾疏請告歸出關之日秦人士依戀不忍去力疾就道病益甚卒於靈寶年五十有五祀

鄉賢

雍正通志  
參舊志

馬孔任字肩尹幼通兵法善騎射有名將才中順治十一年武舉人任貴州威甯州守備滇南吳逆叛隨總戎營江上戰十晝夜皆勝吳畏其勇謀招致之詭與總戎和一夕大風雨有舟泊營側孔任出視一卒言總戎召君議事可速往甫登舟內有數健將執之去吳逆迫之降不可令執賤役居數載取妻生子密與

東光縣志

卷八

人物志上

仕績

十五

妻語我

大清臣不能誅逆賊久羈此非人也妻曰當徐謀之值重陽夜潛送之城與升城具遂躍下入江中浮沈數里遇救獲歸總戎命復舊職以老辭及吳逆平妻攜子至東光已沒矣著有詩集藏於家

通志

畢士俊字用章順治五年舉人康熙十年宰江西貴溪縣十三年遭賊之變與防將楊名協守城邑城破攜印間道往省請兵剿賊城旋恢復其弟士魁字雲章廩生相與招撫流賊有功

欽賜貢生授江南六安州州同陞雲南大理府雲龍州知州



馬光字耿伯號觀文康熙十一年拔貢初授江南廬江縣令因俗設教禁咸安於理繼調建德未期年丁外艱去任父老攀轅臥轍號痛聞遠近服闋選山西樂平縣十四載美政在人口如撫流民給籽種捐俸開墾增修 文廟其大端也四十二年

聖駕西巡召對柏井驛行宮

賜御翰曰春風晴旭並

賜克食擢山東登州司馬前後蒞任幾三十年仁聲洽聞所在懷之家居歲歉傾倉代賑且歲施棺木鄉人送功

東光縣志

卷八 人物志上 仕績

十六

活萬人匾額以彰盛德

續志稿

馬永命字庚長

賜號配言康熙五十一年貢生時 朝廷有事西疆大吏以才能薦奉

旨監督駝務知州以軍功議敘授陝西鞏昌府靖遠衛同知崎嶇戎馬間職邊陲不辭勞瘁年三十二卒人皆惜之著有西征錄政事雜俎朗鏡集

續志稿

霍備字易書號揖軒雍正元年拔貢生次年領鄉薦由中書歷陞戶部員外郎浙江道監察御史光祿寺正卿奉天府府 嚴氣正性不避權貴嘗彈擊當道王

某等不軌正法朝右肅然卒為讎黨所中謫居西夏者九年奉

詔賜環復職宦橐蕭然家徒四壁而已其詩古文詞出入大

家書法尤名重一時著有揖軒先生遺稿詩載畿輔

詩傳續志

論劉藻辭議敘疏協理江南道浙江道監察御史

臣霍備謹奏為敬陳愚見仰請

查僉都御史劉藻有奏陳工作一摺蒙恩嘉

納交部議敘用昭

旨知了此大義續經劉藻具奏跪

職賞罰乃天子之權故處分不能求免而獎勵亦

不敢言辭惟賞不當其實則辭嫌其有涉於私也

抑或其說不用則辭悔其無補於公也非是原無

可辭之理今皇上方懸賞求言而劉藻則

為迂矣夫事君之道無隱無欺故言甯拙而勿巧

其果當也折衷之其本乎誠而失之激也

德有以寬容之其出以偽而敢於罔也

明有以照察之從前一切奏章斷自

孰忍非悉歸至當並無成見可以揣合苟有人心

意隨上封奏不自聖求言若渴誠能仰體

而名之所歸此等揣合似乎恰好即或有虛譽

之也且朝廷獎勸之典非特為進言者而施

即不必特為進言者而廢而進言者之心非必

特為有議叙而起即不必特為無議叙而消如云

不市僅堪自喻固不必求諒於人而既以為職又

東光縣志

卷八 人物志上 仕績

十七

蒙恩滋愧此其心跡亦無難共白但奏稱恐揣

合不以進言為職而以進言為市之弊等語臣竊疑

為迂矣夫事君之道無隱無欺故言甯拙而勿巧

其果當也折衷之其本乎誠而失之激也

德有以寬容之其出以偽而敢於罔也

明有以照察之從前一切奏章斷自

孰忍非悉歸至當並無成見可以揣合苟有人心

意隨上封奏不自聖求言若渴誠能仰體

而名之所歸此等揣合似乎恰好即或有虛譽

之也且朝廷獎勸之典非特為進言者而施

即不必特為進言者而廢而進言者之心非必

特為有議叙而起即不必特為無議叙而消如云

不市僅堪自喻固不必求諒於人而既以為職又

以爲市此間無地可以中立將無計可以兩全勢

必強嫌自匿畏蒞不前重負我  
隱揚之意所關非細也臣敬請  
皇上問察

俾多官免自憂疑自當益竭忠悃臣愚昧  
之見是否有當伏惟  
睿鑒施行

周璋字藉茅號念臺少具雋才出錢陳羣門下中乾隆

六年舉人任固安縣教諭抵任後按期月課勤加敦

勉諸生登科第者接踵會固安被水奉委勘查戶口

不溢不遺及告歸士民攀轅送百里外猶依依不忍

去五十四年

恩賜翰林院檢討文選入房行菁華續志稿

王永字臨莊性至孝少通儒術中乾隆十二年武舉人

為齊召南所推重二十二年督運南漕除廉俸外毫

東光縣志

卷八 人物志上 仕績

十八

無所取幫中稱佛老爺解組後家徒四壁而已著有

漕運日記續志稿

邑人王彥撰族叔臨莊公逸事公幼失怙恃事嫡  
母以孝聞偶有不豫輒長跪請罪母曰非爾之為  
吾自不豫耳乃多方慰解之少習舉子業通五經  
性理小學綱目等書善為制義老宿皆歎賞以家  
無次丁卯鄉試功名乃入武庠當是時武試猶重文  
藝丁卯鄉試齊次風先生主席當是時武試猶重文  
對詳明闡中大奇之試畢晉謁先生忻然執手曰  
君器識超越學問該洽不意武闈中乃有此人其  
見重如此丁丑擊發南漕督運三年幫中稱佛老  
爺除俸銀俸米外毫無所取同邑鞅周馬公公受  
業師也以丁未科進士守備揚州卒於官廨公經  
紀其喪卒奉以歸家居後四方騎射之士在門下  
者常數十人公教授生徒必訓以忠厚謹飭威儀  
文詞從公遊者率循循有儒者風非徒裸股肱決  
射御也以故多所成就延邑中邢東升先生敬備至  
子璣時彥初就外傳共硯席焉待先生忠敬備至

三年如一日公之歿先生弔諸其室哭盡哀出語人曰吾與王公交三年曾不知其一貧至此公祭祀賓客務極豐腆而自奉儉約衣澣濯之衣食糲糲之食家徒四壁晏如也所著制義若干篇漕運日記一卷公子璣寶藏之嗚乎敦龐渾厚之風根於天性而養之以學守之以謙可謂君子矣記有之君子不失足於人不失色於人不失口於人公其有焉迄於今宗族鄉黨猶嘖嘖稱盛德云

路雲瞻字觀光號映園乾隆十八年拔貢生任瀘州州

判打箭鑪照磨署興文塾江定遠西充永甯知縣嘉慶四年攝秀山篆會逆苗石柳磴作亂雲瞻建哨樓二十人座召募鄉勇勉以忠義率衆禦賊大勝之生獲二十餘人賊竄去又親赴鄉按戶放賑日夜奔馳不安寢者數月蒙總制孫薦

東光縣志

卷八 人物志上 仕績

十九

賜四品銜

賞戴花翎後署重慶府通判順慶府同知護理川東驛務兵備道皆有政聲歸里後以書畫自娛年八十三歲卒著有平苗紀事詩初學詩約續志稿

李早榮字開甫號果泉若龍子性純摯有孝行乾隆二十四年舉人任山西長治知縣丁艱歸服闋補樂平兼攝聞喜教養備至時山東逆犯餘黨竄逸稽察境內五隘深爲繆中丞器重署翼城辦差務得宜再署稷山邑民黃九斤疑獄久未決廉得真情調臨汾大計卓薦陞廣西象州知州士庶呈留留半載抵象州

勸農課士仁聲洽聞旋調甯明建書院鼓勵士習查  
思陵各隘於安南畫溝爲界苗民帖服孫中丞以卓  
異薦署鎮安知府督辦軍需商民有慈母來暮之謠  
後調慶遠半月改潯州除土豪禁野合民風丕變尋  
署平樂壬子充內簾監試官陞順天府治中身染瘴  
癘致仕歸宦橐蕭然著有半帆吟稿

同上

忠節 遇難附

唐

袁恕已滄州東光人長安中仕累司刑少卿知相王府  
司馬與誅二張又從相王統南衙兵備非常以功加  
銀青光祿大夫中書侍郎同中書門下三品封南陽  
郡公實封五百戶將作少匠楊務廉者以工巧進恕  
已恐其復啟遊娛侈麗之漸言於中宗曰務廉位九  
卿忠言嘉謨不聞而專事營構以媚上不斥之無以  
昭德乃出務廉為陵州刺史未幾恕已拜中書令特  
進南陽郡王罷政事為武三思所陷流環州使周利

東光縣志

卷八 人物志上 忠節

一

貞逼之恕已素餌黃金至是飲野葛數升不死憤懣  
抔土以食爪甲盡不能絕乃擊殺之元宗初追諡貞  
烈建中初贈太子太傅恕已與張柬之等提衛兵誅

佞臣中興唐室有社稷功祀鄉賢

新舊唐書  
參舊志

附詠屏風詩綺閣雲霞滿芳林草樹新鳥驚疑欲  
曙花笑不關春山對彈琴客谿流垂釣人請看車  
馬客行處有風塵 邑令王九鼎懷古詩女后禍  
唐室定難賴有人卓哉袁恕已統兵謀如神時維  
張柬之同心如一 身宮禁卒肅清不愧社稷臣功  
成爵已高名盛數何屯奸邪久側目千載為沾巾  
鄉人立祠宇歲時薦藜藿  
誰云公已亡上天為星辰

袁高字公頤

按唐詩紀  
事作公頤

恕已之孫少慷慨有節尚擢進

士第代宗時累遷給事中建中中拜京畿觀察使坐

累貶韶州刺史復拜給事中德宗將起盧杞爲饒州  
刺史高當草詔見宰相盧翰劉從一曰杞當國矯誣  
陰賊斥忠誼傲明德反易天常使宗祏失守天下疣  
瘡朝廷不實以法才示貶黜今還授大州天下其謂  
何翰等不悅命舍人作詔詔出高執不下奏曰陛下  
用杞爲相出入三年附下罔上使陛下越在草莽羣  
臣願食其肉且不厭漢法三光不明雨旱不時皆宰  
相請罪小者免大者戮杞罪萬誅陛下赦不誅只貶  
新州俄又內移今復拜刺史誠失天下望帝曰杞不  
逮是朕之過朕已再赦答曰杞天資詭險非不逮彼

固所餘赦者只赦其罪不宜授刺史願問外廷并敕  
中人聽於民若億兆異臣之言臣請前死諫官亦力  
爭帝前帝曰與上佐可乎羣臣奉詔翌日遣使慰高  
曰朕惟卿言切至已如奏太子少保韋倫曰高言勁  
挺自是陛下下一良臣宜加優禮貞元二年帝以大盜  
後關輔百姓貧田多荒蕪詔諸道上耕牛委京兆府  
勸課量地給牛不滿五十畝不給高以爲聖心所憂  
乃在窮乏今田不及五十畝卽是窮人請兩戶共給  
一牛從之卒年六十中外悵惜憲宗時李吉甫言其  
忠謇特贈禮部尚書文宗開成三年又詔恕已曾孫

德文

舊唐書作  
舉進士

爲校書郎

新唐書

宋

劉摯字莘老永靜東光人十歲而孤鞠於外氏就學東平因家焉嘉祐中擢甲科歷冀州南宮令縣比不得人俗化凋敝其賦甚重輪絹匹折稅錢五百縣兩折錢三十民多破產摯援例旁郡條請裁以中價轉運使怒將劾之摯固請曰獨一州六邑被此苦決非法意但朝廷不知耳遂告於朝三司使包拯奏從其議自是絹爲錢三百縣七十有六民歡呼至泣下曰劉長官活我是時摯與信都令李冲清河令黃莘皆以

東光縣志

卷八

人物志上 忠節

三

治行聞人稱爲河朔三令徙江陵觀察推官用韓琦薦得館閣校勘王安石一見器異之擢檢正中書禮房默默非所好也月餘爲監察御史裏行欣然就職歸語家人曰趣裝毋爲安居計未及陞對卽奏論亳州獄起正小人意在傾富弼以市進今弼已得罪願少寬之又言程昉開漳河調法猝迫人不堪命趙子幾擅升畿縣等使納役錢縣民日數千人遮訴宰相京師喧然何以示四方張靚王廷老擅增兩浙役錢督賦嚴急人情嗟怨此皆欲以羨餘希賞願行顯責明朝廷本無聚斂之意及入見神宗面賜褒諭因問



卿從學王安石耶安石極稱卿器識對曰臣東北人少孤獨學不識王安石也退而上疏曰君子小人之分在義利而已小人才非不足用特心之所向不在乎義故希賞之志每在事先奉公之心每在私後陛下有勸農之意今變而爲煩擾陛下有均役之意今倚以爲聚斂其有愛君之心憂國之言者皆無以容於其間今天下有喜於敢爲有樂於無事彼以此爲流俗此以彼爲亂常畏義者以進取爲可恥嗜利者以守道爲無能此風浸成漢唐黨禍必起矣惟君子爲能通天下之志臣願陛下虛心平聽審察好惡前

日意以爲是者今更察其非前日意以爲短者今更用其長稍抑虛譁輕僞志近忘遠幸於苟合之人漸察忠厚慎重難進易退可與有爲之士收過與不及之俗使會於大中之道則施設變化惟陛下號令之而已又論率錢助役官自雇人有十害其略曰天下州縣戶役虛實輕重不同今等以爲率則非一法所能齊隨其所宜各自立法則紛擾散殊何以統率一也新法謂版籍不實故令別立等第且舊籍旣不可信今何以得共無失不獨搔擾生事患將使富輸少貧輸多二也天下上戶少中戶多上戶役數而重故

以助錢爲幸中戶役簡而輕下戶役所不及今概使輸錢則爲不幸三也有司欲多得雇錢而患上戶之寡故不用舊籍臨時升降使民何以堪命四也歲有豐凶而役人有定數助錢不可闕非若稅賦有倚閣減放之期五也穀麥布帛歲有所出而助法必輸見錢六也二稅科買色日已多又概率錢以竭其所有斯民無有悅而願爲農者戶口當日耗失七也僥倖者又將緣法生姦如近日兩浙倍科錢數自以爲功八也差法近者十餘年遠或二十年乃一充役民安習之久矣今官自雇人重則民不堪輕則人不願不

免以力馭之就役九也且役人必用鄉戶家有常產則必知自愛性既愚實則罕有盜期今一切雇募但得輕猾浮僞之人巧詐相資何所不至十也會御史中丞楊繪亦言其非安石使張琥作十難以詰之琥辭不爲司農曾布請爲之旣作十難且劾摯繪欺誕懷向背詔問狀繪懼謝罪摯奮曰爲人臣豈可壓於權勢使天子不知利害之實卽條對所難以申其說且曰臣待罪言責采士民之說以聞於上職也今有司遽令分析是使之較是非爭勝負交口相直無乃辱陛下耳目之任哉所謂向背則臣所向者義所背

者利所向者君父所背者權臣願以臣章并司農奏  
宣示百官考定當否如臣言有取幸早施行若稍涉  
欺罔甘就竄逐不報摯明日復上疏曰陛下起居言  
動躬蹈德禮夙夜勵精以親庶政天下未至於安且  
治者誰致之耶陛下注意以望太平而自以太平爲  
已任得君專政者是也二三年間開闔動徭舉天下  
無一物得安其所者蓋自青苗之議起而天下始有  
聚斂之疑青苗之議未允而均輸之法行均輸之法  
方擾而邊鄙之謀動邊鄙之禍未艾而助役之事興  
至於求水利行淤田併州縣興事起新難以徧舉其

議財則市井屠販之人皆召之政事堂其征利則下  
至厯日而官自鬻之推此而往不可究言輕用名器  
淆混賢否忠厚老成者擯之爲無能狹少儂辯者取  
之爲可用守道憂國者謂之流俗敗常害民者謂之  
通變凡政府謀議經畫除用進退獨與一掾屬決之  
然後落筆同列預聞反在其後故奔走乞丐之人其  
門如市今西夏之款未入反側之兵未安三邊瘡痍  
流潰未定河北大旱諸路大水民勞財乏縣官減耗  
聖上憂勤念治之時而政事如此皆大臣誤陛下而  
大臣所用者誤大臣也疏奏安石欲竄之嶺外神宗

不聽但謫監衡州鹽倉繪出知鄭州琥亦落職摯乞  
詣鄆遷葬然後奔赴貶所許之先是倉吏與綱兵姦  
利相市鹽中雜以僞惡遠人未嘗食善鹽摯悉意核  
視且儲其羨以爲賞弊減什七父老目爲學士鹽久  
之簽書南京判官會司農新令盡斥賣天下祠廟依  
坊場河渡法收淨利南京闕伯廟歲錢四十六貫微  
子廟十三貫摯歎曰一至於此往見留守張方平曰  
獨不能爲朝廷言之耶方平瞿然託摯爲奏曰闕伯  
遷商邱主祀大火火爲國家盛德所乘歷世尊爲大  
祀微子宋始封之君開國此地本朝受命建號所因

又有雙廟者唐張巡許遠孤城死賊能捍大患今若  
令承買小人規利冗褻瀆漫何所不爲歲收微細實  
損大體欲望留此三廟以慰邦人崇奉之意從之又  
見方平傳入同知太常禮院元豐初改集賢院校理  
知大宗正寺丞爲開封府推官神宗開天章閣議新  
官制除至禮部郎中曰此南宮舍人非他曹比無出  
劉摯者卽命之俄遷右司郎中初宰掾每於執政分  
廳時請問白事多持兩端伺意旨摯始請以公禮聚  
見共決可否或不便摯所請坐以開封不置歷事罷  
歸明年起知滑州哲宗卽位宣仁后同聽政召爲吏

部郎中改秘書少監擢侍御史上疏曰昔者周成王幼冲踐祚師保之臣周公太公其人也仁宗皇帝盛年嗣服用李維晏殊爲侍讀孫奭馮元爲侍講聽斷之暇召使人侍陛下春秋鼎盛在所資養願選忠信孝悌愷茂老成之人以充勸講進讀之任便殿燕坐時賜延對執經誦說以廣睿智仰副善繼求治之志他日講筵進讀至仁宗不避庚戌臨奠侍讀張士遜曰國朝故事多避國音國朝角音木也故畏庚辛哲宗問果當避否摯進曰陰陽拘忌聖人不取如正月祈穀必用上辛此豈可改也漢章帝以反支日受章

奏唐太宗以辰日哭張公謹仁宗不避庚戌日皆陛下所宜取法哲宗然之摯又言諫官御史員缺未備監察雖滿六員專以察治官司公事而不預言責臣請增補臺諫並許言事時蔡確章惇在政地與司馬光不相能摯因久早上言洪範庶徵肅時雨若五行傳政緩則冬旱今廟堂大臣情志乖睽議政之際依違排很語播於外可謂不肅政令二三舒緩不振比日日青無光風霾昏暝上天警告皆非小變願進忠良通壅塞以答天戒蔡確爲山陵使神宗靈駕發引前夕不入宿摯劾之不報及使回旣朝卽視事摯又

奏確不引咎自劾無何確上表自陳謂昔事神宗嘗請收拔當世之耆艾以輔王室蠲省儀文之煩碎以安民心摯謂使確誠有是請不言於先朝爲不忠言於今日爲固寵誠無是請則欺君莫大於此又疏論其十罪並言章惇凶悍輕佻無大臣體皆罷去初神宗更新學制養士以千數有司立爲約束過於煩密摯上疏曰學校爲育材首善之地教化所從出非行法之所雖羣居衆聚帥而齊之不可無法亦有禮義存焉先帝體道制法超漢軼唐養士之盛比隆三代然而比以太學屢起獄訟有司緣此造爲法禁煩苛

愈於治獄條目多於防盜上下疑貳以求苟免甚可怪者博士諸生禁不相見教諭無所施質問無所從月巡所隸之齋而已齋舍旣不一隨經分隸則又易博士兼巡禮齋詩博士兼巡書齋所至備禮請問相與揖諾亦或不交一言而退以防私請以杜賄賂學校如此豈先帝所以造士之意哉治天下者遇人以君子長者之道則下必有君子長者之行而應乎上若以小人犬彘遇之彼將以小人犬彘自爲而況以此行於學校之間乎願罷其制又請雜用經義詩賦取士復賢良方正科罷常平免役引朱光庭王巖叟

爲言官執憲數月正色彈劾多所貶黜百僚敬憚時人以比包拯呂晦元祐元年擢御史中丞摯上疏曰上之所好下必有甚朝廷意在總覈下必有刻薄之行朝廷務在寬大下必有苟簡之事習俗懷利迎意趨合所爲近似而非上之意本然也今因革之政本殊而觀望之俗故在昨差役初行監司已有迎合爭先不校利害一概定差一路爲之騷動者朝廷察其如此固已黜之矣以是觀之大約類此向來黜責數人者皆以非法培克市進害民然非欲使之漫不省事昧者不達矯枉過正顧可不爲之禁哉請立監司

考績之制拜尚書右丞連進左丞中書侍郎遷門下侍郎胡宗愈除右丞諫議大夫王覲疏其非是宣仁后怒將加深譴摯開救甚力簾中厲聲曰若有人以門下侍郎爲姦邪甘受之否摯曰陛下審察毀譽每如此天下幸甚然願顧大體宗愈進用自有公議必致貶諫官而後進恐宗愈亦所未安宣仁后意解覲得補郡去摯與同列奏事論人才摯曰人才難得能否不一性忠實而才識有餘上也才識不逮而忠實有餘次也有才而難保可藉以集事又其次也懷邪觀望隨時勢改變此小人也終不可用哲宗及宣仁

后曰卿常能如此用人國家何憂六年拜尚書右僕射摯性峭直有氣節通達明銳觸機輒發不爲威怵利誘自初輔政至爲相修嚴憲法辨白邪正專以人物處心孤立一意不受謁請子弟親戚入官皆令赴銓部以格調選未嘗以干朝廷與呂大防同位國家大事多決於大防惟進退士大夫實執其柄然持心少恕勇於去惡竟爲朋讒奇中先是邢恕謫官永州以書抵摯處摯故與恕善答其書有永州嘉處第往以俟休復之語排岸官茹東濟傾險人也有求於摯不得見其書陰錄以示御史中丞鄭雍侍御史楊畏

二人方交章擊摯遂箋釋其語上之曰休復者語出周易以俟休復者俟他日太皇太后復子明辟也又章愔諸子故與摯之子游摯亦間與之接雍畏謂延見接納爲牢籠之計以冀後福宣仁后於是面諭摯曰言者謂卿交通匪人爲異日地卿當一心王室若章愔者雖以宰相處之未必樂也摯皇懼退上章自辨執政以爲言宣仁后曰垂簾之初摯排斥姦邪實爲忠直但此二事非所當爲也以觀文殿學士罷知鄆州給事中朱光庭駁云摯忠義自奮朝廷擢之大位一旦以疑而罷天下不見其過光庭亦罷七年徙



大名又爲雍等所遏徙知青州紹聖初來之邵周秩論摯變法棄地罪奪職知黃州再貶光祿卿分司南京蘄州居住將行語諸子曰上用章惇吾且得罪若惇顧國事不遷怒百姓但責吾曹死無所恨正慮意在報復法令益峻奈天下何憂形於色無一言及遷謫意四年陷邢恕之謗貶鼎州團練副使新州安置惟一子從家人涕泣願侍皆不聽至數月以疾卒年六十八摯嗜書自幼至老未嘗釋卷家藏書多自讎校得善本或手鈔錄孜孜無倦少好禮學其究三禮視諸經尤粹晚年好春秋考諸儒異同辨其得失通

東光縣志

卷八 人物志上 忠節

十一

聖人經意爲多其教子孫先實行後文藝每日士當以器識爲先一號爲文人無足觀矣元符三年復中大夫蔡京爲相降朝散大夫尋復觀文殿大學士大中大夫特贈少師諡曰忠肅祀鄉賢著有忠肅集四

十卷

宋史參東都事略並舊志

宋御史中丞兼侍讀劉摯制孟子有言君仁莫不仁君義莫不義一正君而天下定矣朕惟臺諫言責之臣雖知無不言常救之於已失而勸講進讀之士蓋朝夕納誨故日化而不知合於孟子正君之義非獨有司之事也具官劉摯以道事君非法不言使朕日聞所不聞天下稱焉宜因古今冊書之成文取其興壞治忽之要論言之於無事救之於未失使朕立於無過之地豈非汝諍臣之大願乎賜劉摯辭免恩命不允制政如農耕以旣獲爲能事言如藥石以愈疾爲成功若耕不穫疾不

愈朕何望焉所以用卿者非以富貴卿也勉卒成  
業何以辭為宋中大夫守尚書右丞劉摯誥漢  
御史大夫能任其職則為丞相近世中執法議  
不撓亦補執政者我仁宗優養正士開受直言時  
則有若包拯張昇之流咸以敢言獲聞大政舊俗  
已遠此風寂寥容悅相承亦棄不用朕追懷先正  
選建忠賢謂陳之聲庶幾前烈具官劉摯蚤以御  
史祇事裕陵力陳是非不避權寵十年流落志氣  
不衰召至臺端首開正論進任中司之要屢開白  
簡之言風聲凜然國是以定朕欲試其行之實  
是用付以右轄之權治忽所關寄任尤重夫以言  
責人甚易以義持己實難爾其勉之毋使輔政之  
功不若言  
事之効

宋蘇軾廣陵會三同舍錄與劉莘老詩江陵昔相  
遇幕府稱上賓再見明光宮我冠挹搢紳如今三  
見子坎壈為逐臣朝遊雲間欲分丞相茵暮落  
江湖上遂與屈子鄰了不見愠喜子豈真其人  
迥成一歡醉詩出天眞士方在田里自比渭與莘  
出試乃大謬芻狗難重陳歲晚多霜露歸耕當及

東光縣志

卷八 人物志上 忠節

十三

辰宋新安朱子題劉忠肅像贊第登黃甲官侍  
紫宸出則循吏入則良臣忠愍已據讜論亦陳光  
照前烈如公幾人邑令王九鼎懷古詩劉摯甫  
登朝邪正早明白言臣北人不識王安石屢疏  
陳利害職不愧言責預恐黨禍起深愁民命迫雖  
犯大吏怒頗蒙至尊及乎元祐初嘉言日有益  
宰相能用宵小自斂迹去惡亦太勇讒怨自此  
積厄祠社到千載亦足慰竄鳴呼宋將衰豈獨公  
忠肅祠詩生平不識王安石魂魄本邑令蕭德宣謁  
王莫問從學誰漢唐黨禍痛心極昔年河朔稱三  
令仁風吹徧南宮邑天恩詔許除御史立朝事  
爭必力好箇天子盡言甘鼠殛衡州歸來入綸扉  
如此誤陛下惟有盡言蔡輕佻子不亞舒王逞  
剛方又受羣奸逼章愜蔡確輕佻子不亞舒王逞  
堅僻抗顏廷諍疏屢上光豈可容鬼蜮一片忠  
肝護元祐同心只有鞦韆可憐尚書老被讒安  
置新州遭羅織死去特贈觀文殿美官身後終何  
官益我來永靜拜公祠古道依稀在几席

劉歧字斯立東光人尚書右僕射摯之長子能爲文章  
簡勁有法度選入文鑑詩學陳黃呂王詩話俱推其  
隸事之工元豐二年與弟路同擢進士選亳州教授  
又任曹州州學教授雄州防禦推官江州彭澤知縣  
改管城蘄水復主管成都府永甯觀所至均有政聲  
遭黨事爲官拓落父竄新州卒於謫所歧伏闕籲冤  
得歸葬復官家居避禍作學易堂鄉人稱爲學易先  
生著有學易集二十卷政和末以壽終晁景遷爲誌

其墓弟路以父蔭監察御史

宋史參四庫全書目錄

謝昭雪表投畀讒人已悟告言之妄蠲除詔令更申論坐之冤歿而有知死且不朽竊以前世論事

東光縣志

卷八 人物志上 忠節

十四

下敢告之章法家原情著反坐之律未聞私書謬  
悠之謗可致公朝殄滅之刑繫被無良邁爲不令  
因黨友之尺牘形閭巷之有辭引鷹揚尙父之言  
誦高貴鄉公之語靡慙鄙鄙惟幸詆誣旣內慊於  
不根又陰虞於後患禱其付火固絕意於上聞託  
以屏人復何施於參驗不攻自破欲蓋而彰巧誰  
謂其如簧市共知於無虎雖毀者挾怨必以惡聲  
而小人乘危遂爲奇貨密騰舊札歷遣衆仇險不  
啻於山川食無餘於犬彘逮從吏訊幾誤國章意  
所株連人以股栗浩有漂山之勢岌如累卵之危  
賴先帝照矚之明察權臣吞噬之患特迂清問少  
緩嚴科然而先臣孤終以屏廢闔門百口益復  
幽囚禦瘴癘者十喪隸臣妾者三歲無罪且至於  
如此大戮亦何以復加會聖之龍飛破羣疑而  
冰釋譴累所逮訴告必申悼前日之禍機嗟何可  
及掛有司之罪籍名或未除用再瀝於肺肝敢上  
塵於旒宸理無難者宜靡悼於改爲事已灼然遂  
悉從於釐正陛下乾行以健離麗而明體大舜聖  
讒之方廣有唐辨謗之路孤忠素節事有白於九  
原弱子幼孫誓各堅於一死微生向算洪造難酬

明

路從中選貢生任山東東阿縣丞陞山西大原知縣調任和順崇正十七年七月十五日李自成攻和順招

之降不從城陷自縊續志稿

張曇字之布為左翼長由武功陞指揮使分兵守漢中

李自成攻七盤山糧盡兵潰力竭陣亡世襲雲騎尉

張瑞字兆泰河南候補縣丞同方茂春在燕門設防張

獻忠攻之力竭陣亡世襲武信騎尉同上

國朝

畢士美字建章武生貴溪知縣士俊之弟洞曉武藝明

東光縣志

卷八 人物志上 忠節

十五

大義隨兄任貴溪康熙十三年流寇作亂親率家丁

出戰入賊營殺十餘人賊不能支以大礮攻士美陣

亡續志稿

畢鑑字鏡古監生任廣西按察使經歷陞西隆州州同

逆苗顏光羅兄弟作亂城陷死之同上

遇難附

馬化麟字子房增生尚節義順治五年土寇陷城率邑

人禦之奮勇直前力戰被害畿輔通志

邑人馬孔揚哭姪子房詩我家有子天不惜一夕  
命殂鬚眉白觀城寇嘯沸如鼎火焰烈烈燭天赤  
持戟大喊入賊伍七尺竟為賊所刺白骨落落歸  
何處徧覓沙場無蹤跡我今灑淚歌蒿里為子咽

咽招魂魄招魂魄魂不格君不見蜀鵲血啼眞珠  
紅萼宏恨凝琥珀碧夜半鬼火照荒郊壯心千載  
應赫

右順治五年遇難

閻盛倫編竹爲業被殺滄州殉難錄

祝來興喬七暨子喬大王大趙福成鄭文祥馬二皆被

殺同上

右咸豐三年在滄州遇難

馮柏林大屯拒賊被刺死採訪冊下同

右咸豐四年在連鎮遇難

張樂寅張挑莊其叔被賊脅力庇之被殺

東光縣志

卷八 人物志上 遇難

十六

張玉崑熬鹽白莊見賊毆其父力庇之被殺

楊春田楊門莊因祖母劉氏老且癱賊執之逼索財物春

田奮與鬪被殺

監生高大文蕭莊胡錦雲胡家集金占鰲北金莊王行四燕台李

雲起王山莊侯文德侯景勇侯莊左羣劉鳳翮柴志祥俱夏

朱狗朱通莊

右同治二年遇宋匪難

張祖末通志作來誤裏頭村爲團練長十一月流寇至率衆迎擊

立斃數賊受傷十餘處力竭陣亡同戰歿者監生黃

國華子恩蔭高吉康黃耀廉從九張培麟張呈麟張

祖榮張樹榆黃耀印王順義賈兆祥張春元張永通  
李寶善徐拴黃國選王套魏大成張永譽通志作裕郭文  
友張蘭馨李寶書臧鳳林戴明李瓦崔十等二十六  
人祖耒堂弟祖梅繼至與賊鬪被獲大罵賊捉置馬  
上罵益厲乘隙抽刀殺數賊賊怒殺之通志參縣册

右同治六年遇流寇難

武生于春和于達莊同治七年四月初一日率勇禦賊勝  
賊大至力不支被創腸出死同戰歿者于鳳祥馬懷  
仁馬懷璞馬如虎許盛德許金梅許福榮吳殿虎吳  
三德吳慶劉書元一作春元劉福德劉夢發劉大成李永

東光縣志

卷八 人物志上 遇難

泰李二李懷仁一作懷卞張喜張思儉張書德張文德張  
其林張翰林曲元明曲文成曲開簡曲籌曲連山楊  
維城郝大志高文魁陳殿英等三十二人通志參縣册

孫成林李全莊四月初一日與族弟芳林堂伯義教俱與  
賊鬪被殺同村孫殿奎王富貴亦力助遇害縣册

庠生張光地通志作第燈明寺張光宗張鵬閣周樹準周樹策

周萬斗周瑞斗周作斗周刁斗周性悟庠生周鳳儀  
周光昌趙文俊李占亭孫實芳孫實奎孫福成孫福  
貴孫套馬玉成張珩靳丈祥胡姓均於四月初一結  
團戰死又蘇行二甯津人被銃擊死通志參縣册

馬恆泰

馬祠莊

吳連城

吳指揮莊

邢大山張世喜李行二

俱李席莊

韓春沂

韓莊

馮九福馮春揚馬東揚馬東聲馮思貴吳

行大

俱馮莊

尹行二

前尹莊

李三林李漢忠

俱小李莊

生元龍

一作元榮前生莊

李雲岫李克勤王玉山

俱小劉莊

均於四月初

一日結團與賊戰被殺

庠生于振龍

于達莊

在鹽場吳莊築圍結團閏四月初八

日擒匪南竄振龍率衆堵禦閉圍堅守賊力攻圍破

被殺同死者于二于奎張五張三

于達莊

吳直堂

通志作知

堂鹽場吳莊

馮虎

通志又有馮大虎班莊

馬秉寬馬鳴飛馬邦甸劉

德存劉際昌

劉葯包莊

曲二十曲盛曲虎曲丑曲三  
高

東光縣志

卷八

人物志上

遇難

十八

行三張大振張金山

通志無山字

楊行大張二成張對馬

慶元馬行七張攀池

張家辛莊

二十三人

俱同上

陳爲正陳訓孟慶岫王長春施福成王壽長孟立鳳莊

林甲孫柱馮三馮四

俱秦村

同於閏四月初八日接仗

被殺

縣册

李屏山李振聲李鴻達

通志又有洪奎

李舒亭李維辰李卿杰

李雍山李安山李壽山李希聲李金聲李鴻桷趙明

德李鳳兒李學兒

俱後李莊

同於閏四月初八日殺賊被

害

通志參探訪册

吳聚善與吳連三結村衆禦賊身受數十刃力盡

通志

于順成東于莊持器擊賊被殺縣冊

李奎李席莊精武藝賊至與鬪被殺

馬相龍一作相榮大生莊與賊鬪死之

劉鳳闕郝家寺馬廷順馬存俱雙樓馬莊恥大和前生莊徐成德

殷大和俱小崔莊柴祥雲菜園李致中老母店李莊周廷雲周老

周三俱大莊郭萬青馬十段慶侯洛大俱嫌莊劉國春洪廟

李楊樹萼辛店均與賊鬪死俱同上

邢萬春東大邢莊罵賊被殺子仁德仁和痛父死殺數賊抱

父屍而哭賊大至力戰死又邢福德邢福全邢文皋

均遇害通志參縣冊

東光縣志

卷八 人物志上 遇難

十九

劉永泰秦村賊至匿逃難婦女於家賊搜得之永泰白諸

賊首俱獲免俄復遇賊他所槍擊其背永泰罵之賊

剖其腹死後婦女各以香楮致祭同上

武生陶錦標陶家店閏四月初八日路遇一賊陶刺以刃

賊負痛逃俄賊大至陶避枯井中賊以竹槍刺之身

無完膚死採訪冊

劉輝堂小劉莊遇三賊抽刀砍之賊縛輝堂於樹剖其腹

至死罵不絕口同上

管清平管莊閏四月初七日率村衆三十餘人禦賊力竭

與族人曰凝明方鳳來死之縣冊



王鵬舒

通志作書  
王校店

四月賊至堅守老母賊役鵬舒不忍

去賊殺之

探訪  
册

高倬輝

後高  
莊

罵賊被殺

縣  
册

王臨莊

一作福  
郭家坊莊

素明大義賊脅之去厲罵不從賊殺

之並焚其家

趙成林

雙廟  
王莊

七月有數賊騎至成林聲言擒賊賊追殺

之上

李舒泰

北夏  
口

四月初一日賊至泰諭以理被殺

探訪  
册

李登臺

李席  
莊

賊至與鬪傷三賊被殺

劉文玉劉型劉尙文

劉家  
蒲窪

王立峯

李全  
莊

金萬春金懷寶

東光縣志

卷八 人物志上 遇難

二十

東金  
莊

趙松趙立

趙子  
安莊

任孝任本忠任羣任啟安任元

城穆林穆克儉穆金聲穆金容穆金通穆金鳴穆秉

義陳四

俱任  
家坊

劉鼠劉常太劉常福劉狗

劉希  
和莊

尹法長

尹牛

後尹  
莊

孫獻廷孫發榮孫長林

裏頭村  
孫莊

魏明廷魏

廣廷

前  
屯

馬金祥

一名馬  
子柴王莊

柴忠和柴聞太柴羣

大柴  
莊

監生王雲峯

王山  
莊

王義和姬富田

姬  
莊

劉雨郭全會

郭家

馬芳亭

蒲窪  
王佐莊

張寶義

陶家  
店

張乾元趙文德趙之珩

張君聲張功常

小柳樹  
張莊

吳希閔吳福長石永甫石觀

觀

吳定  
杆莊

畢金龍

通志作  
洛龍

王永貞孫元德高阜

趙纂  
莊

馬

培元馬深元

馬家  
辛莊

王金城

城  
裏

王振江王榮

張良  
莊

高連

科白馬孫振山孫家寺周文明李財神莊王天成孫秉旺閻

中安劉入閻家劉福臻八寨韓立本大吳莊姜汝淇南城

姜莊王志仁王維仁小高莊趙邦彥王清莊左尙樸左莊郝老

大王檄邢富貴邢福泰孟家坊馬萬通鄭魁龍鄭華周

鄭華行俱城北趙蘭峯王永合王十五俱王三廣莊馬大

初馬雲煙俱高台王得祿吳逢通通前吳莊生雲和

徐家李元李蘭台張大俱李席莊張玉和趙洪莊張思禮通志

作恩禮家孫莊李懷剛郝家寺毛得起程莊馬湘浦大生莊王大

成董惟一劉天祥龐莊楊嘉會李祥楊捲毛莊楊秀得千佛堂

趙自謙侯雲昇俱王廟張景元薄莊張藝林王五王景成

東光縣志

卷八 人物志上 遇難

俱王郭對廷郭魁占俱郭家橋高樹祥後高莊張考才張三

俱張石雙峯大石莊宮錫武一作武宮少康俱宮莊馬振祥

抱廈店周秉全大周莊王太和板搭莊劉保旺找王莊王觀德

西大吳莊王洛四王永謀王洛五王作賓王玉龍王洛貴

俱安達莊趙忠貴太平莊王登雲王洛十李寶山俱李池莊孫立

閣後孫崔洛大通志作文周成劉三俱前齊莊趙世德楊

義忠俱八里莊子聖閣于得江范希對范亭山俱崔三莊房

鵝房家馬夢熊小代莊趙蘭台張九如張九洲俱房家寺張莊

李殿卿李保和俱雙柳樹李莊郭萬柱張世明俱郭家坊劉鳳山

劉印俱大莊吳金元金相俱馮莊高攀林樂丹書高玉

山趙春俱源流寺韓鳳翔周魁元馬玉屏周立俱陳莊于廷

贊郭三北新莊黃福趙東吳莊孫成德張彥昭俱孫明吾莊王殿

墀王隆吳莊劉保邠小劉莊米玉倉通志作宋玉倉張洛牛柳莊張澤

春張振春張大俱張家辛莊石春年雙廟陳莊劉鳳來劉藥包莊張

青雲王學堂莊王鳳書王丕烈曲大壽俱王校店王金玉裏頭村

李春和李保和崔雲路周雲祥姜元良姜元明姜耀

倫姜述呂通志又有淑呂胡占鰲從九胡捷元胡二俱燕台白

義成南姜莊高六劉大治李祥俱郝家寺鄭九華千佛堂莊趙

維元後竺莊馮自全馮德風班莊馮殿奎曹千城曹九楊

文輝曹福興曹大曹牛曹金貴曹漢曹房曲振邦竺

東光縣志 卷八 人物志上 遇難 二十二

肥武行二武大慶俱大曹莊朱殿座宋莊楊開泰楊莊馬魁龍

馬七馬文掌馬廷明俱雙樓馬莊郭福有小郭莊周三元白

九成劉老二俱姜莊范汝楨王交莊鄭四侯莊李元碧葭塘曲

文奎曲元才曲榮林曲莊顧小成薛莊高樹嘉後高莊以上

賊至遇害通志參縣册

張庚長張有年王化鵬徐廷玉崔雲山王永甫王廷贊

王玉成李廷柱胡登山胡狗李懷卞李洛三李樹山

李三鄭燦章鄭豐田趙開太趙長林趙羊趙立訓孫

發孚孫秉德孫德華孫大發朱應選馬廣鎮馬有書

馬虎任大侯邢仁義邢立祥邢蘭亭邢春甸井文啟

井大宮春玉宮蘭宮錫高連城高書祥高暉奎劉鳳  
祥劉鳳春趙克和徐五石延年牟善長牟其祥牟連  
元生在林生立雲王保祿馬萬祥趙培淋許方城吳  
洛三李德山楊產德盧偉通志作唯邢大山高吉康馬玉  
羣高太馬套以上賊至遇害通志  
李寶三李珠張九德張錫恩張保全張保成劉立穩邢  
寶高樹緒高敦俱被害採訪冊  
右同治七年遇捻匪難  
以前遇難各條均於光緒十四年邑令周彙詳

請旌

孝友

元

劉伯容號石田宋丞相摯之裔性純孝嘗有術者推其父壽不永輒嗚咽酸辛每旦雞鳴而起率弟仲禮望北斗跪祝曰願減容兄弟壽各十年以益吾父祝畢叩顙而拜如是者三十餘年後父果七十有六而終人皆以為孝感所致云

舊志

明

回滿住性至孝永樂中負祖母劉詣京師求佛劉病於途滿住割股食之遂愈時以割股聞者五人

河間榮天祿甯

東光縣志

卷八 人物志上 孝友

一

津撒金吳橋李宏河間衛李瀛俱割股事親

惟滿住獲旌通志參府志

孫永昌父卒甘肅徒步尋覓負骨而還州縣俱獎其門云孝子孫永昌萬里還親

舊志

孫守禮順城鄉民母亡以衣襟運土築墓三年高數丈許人稱其孝今猶名其里為孫孝子莊莊迤北孝子所築母墓猶存

舊志參續稿

莊士文字仰山太僕蒞民之六子萬曆十六年舉於鄉十七年副進士家居養親不求仕進邑人咸稱其孝

續志稿

郭興治號熙明少穎異絕羣讀書輒解大略弱冠補邑

庠萬曆三十四年領鄉薦三十八年成進士釋褐授行人司行人奉命冊德府世子旋奉命使江西淮府踰年復命值本生母故陳情守制不候命歸田釋服後仍補本官復命差楚府陞工科給事中歷二載陞河南參藩是年冬仍補本科具疏力辭不得旨旋陞戶科右又陞吏科左又晉都兵科陞太僕寺少卿以延鎮序功加正卿三疏請告准假調理以違限太久欲赴都伸請遂實授正卿焉是秋三殿工成羣臣俱行加陞以工科故加銜都察院右副都御史次年告病回籍家居十餘年卒興治清正自持不識權璫後

東光縣志

卷八 人物志上 孝友

二

竟以魏黨註誤識者寃之著有夢乘榮木庵遺稿等

書藏於家 舊志

請給假終喪疏行人司行人郭興治謹題爲本生母歿乞賜給假終喪以盡子情萬一事臣聞之聖王制禮總不越乎人心禮有定制而心亦克盡者固有可常可久之大典心本無窮而禮不克盡者甯無必通必變之微權故聖王以孝慈持世必不鬱人無已之至情臣子以忠孝盟心又豈忍自鬱其至情哉此臣所以不避斧鉞之誅而披瀝於君父之前也臣自幼出繼於叔父爲子不幸命遇孤苦數年之中生父嗣父相繼淪亡方登仕籍而嗣母又溘先朝露自少至壯游遭患難沈憂之餘髮皆寸白然猶幸踰七望八之生母煢煢相依也忽於本月十六日家報至以思臣成病故矣傷哉臣聞之不覺神魂俱喪五內崩裂而血淚之橫流也自臣備員使署畏簡書而不敢甯居效馳驅而不違將母雖人臣以身許國義無反顧而桑榆暮景之老親其所以望天涯而目斷倚門閭而魂越者

蓋已三年於茲矣今春臣勉離膝下復命闕庭意謂倖僥一差可以事竣省親豈意絕裾而出杖屨而歸哉憶臣出門之時猶屬臣曰早去早回吾為汝勉強加飯豈虞暫離之日遂為長別之日暫訣之語遂為永訣之語想呻吟牀篋之間彌留欲絕之際其所以思臣望臣者不知苦楚萬狀酸辛萬狀而臣竟不知也臣尚得為人哉手中鍼綫尚在遊子之衣眼底白雲已散慈親之舍今臣即鐵石為心而不能不百碎也况乎饘粥不得親奉藥餌不得親嘗殮不知何衣含不知何物此皆尋常人之所得盡者而臣皆不得盡也慟哉臣此生此世永為銜恨之人即地老天荒臣此恨不磨矣禮有曰為人後者為其父母降一等此禮創說自漢儒或別有見然臣一腔苦痛百倍尋常若拘一時之定制不得終三年之喪臣願即填溝壑不能強視息於人間也伏乞聖明憐臣一點苦心萬種辛荼乞勅下該部容臣給长假終三年服制庶臣烏鳥私情有所得伸異日苦塊餘生得以還答聖朝即粉身碎骨不惜矣

為此具本謹具奏聞

### 東光縣志

### 卷八 人物志上 孝友

三

息隆泰庠生文安訓導養情子明末隨父任值變被數鎗猶負父走匿深林中血流數升而死孫如洵中康

熙二十九年舉人

通志

### 國朝

劉纘宗庠生甘肅兵備道佳禎

通志作佳順誤

子也聞父死甘

肅難即日西奔至秦為流賊所獲泣述所往賊義而送之及抵甘哀毀成疾廬墓側絕粒而死秦明經蔣名禮憐之捐貲治葬立石以紀

通志參府志

于士殿當 國初時流賊起母被傷士殿救之與賊鬪

中箭死人呼為孝子

續志稿

馬廷宣字元升少負奇姿一目十行年十二補弟子員  
順治八年以選拔入國雍試輒冠軍深爲大司成器  
重性最孝事繼母如所生內外無間言其兄客死廷  
宣往扶柩歸有宗妹爲人所略賣出資贖嫁之信友  
恤鄰德難枚舉晚年以著作自娛至七十二歲卒祀  
鄉賢著有讀史纂要雍正通志  
參府志  
馬咸厚字合坤號東愚節婦施氏孫康熙二十九年舉  
於鄉任錦縣固安等縣教諭中雍正元年 恩科進  
士奉

上諭馬咸厚係新科進士非應得卽用之人因年已將老朕

東光縣志

卷八

人物志上 孝友

四

格外施恩越次選授但年老之人戒之在得務須仰  
體朕心益加勉勵勤慎供職方不負朕特用之意嗣  
後新科進士選授時卽將此旨傳知欽此任福建仙  
遊縣知縣有惠政生平篤學醇謹事繼母以至孝聞

鄉人稱曰孝端先生

續志  
稿

馬子實字專一廩生素性質樸執母喪獨居涕泣三年  
不出戶有子羔之風焉

同上

張增父遊幕卒於陝增貧典數金負骨返艱苦悲嗟數

年始抵家

採訪  
冊

桑沃泗增生父患癱不能自啖泗噢之以手六年父歿



每日往省墓所終身無間泗卒門人爲立碑於墓

李邊華字東堂庠生幼喪母及長恆以親恩未報爲憾

墓去家三里許每日往拜無間寒暑嘉慶九年卒

俱同

馬春坊字龍樓號漁莊舉人德稱子幼失恃歷事繼母

孝井曰炊爨悉代母性純摯艱苦好學中嘉慶二十

四年舉人任涑水大名懷安晉州學官勤訓迪及門

者甚眾人以文宗目之解組後教讀爲業田產悉與

弟年八十歲卒著有聞妙香齋詩稿刻鵠

通志作齋古誤

文集古逸彙考東光文獻考若干卷詩載晚香唱和

東光縣志

卷八 人物志上 孝友

五

集 通志參探訪冊

劉文字成章幼失怙事母孝謹家故貧每以甘旨奉親

晨昏定省率能先意承志鄰里稱之

續志稿

竇金成庠生父三捷卒於甘聞訃而西匍匐諮訪歷半

載扶柩回里人稱其孝

同上

王錫齡字夢九生而穎異弱冠入邑庠爲文真純雄厚

中嘉慶二十三年 恩科舉人性至孝父歿哀毀甚

年三十餘病篤時母年已高錫齡命移已別室室蕪

穢甚時且旋磨其側隆隆如雷聲或怪問故愀然曰

吾疾已不可爲今移於此庶呻吟酸楚不入吾母耳

或吾母痛子之心暫可稍減數日竟卒其平素孝親之心可以概見矣節墓誌

李守祥家貧未娶傭工得錢卽市甘旨供母恐母不肯咽視之食而後退道光二十八年卒採訪冊

孫瑤字美石幼失恃繼母徐遇之虐不數年父又歿哀毀骨立廬墓踰百日時徐盡典衣服田產潛移母家瑤無少怨俄徐大病數月瑤百方調理始獲痊徐因感悟愛之如己出後徐卒居喪亦如父歿時瑤年七十無疾終有四子亦俱孝同上

邢大典字慎徽性純篤事父以孝聞每夜焚香祝天曰

東光縣志

卷八 人物志上 孝友

六

願吾父壽享遐齡後父病醫藥罔效夜夢一道人授以丸曰此汝子所種長生藥也自此病若失年至九十餘卒典生五子延師教讀貧而願學者悉納之代備薪水其樂成人善又如此續志稿

屈成子俗呼爲蟲子幼失怙事母至孝其田宅爲人所奪訟之官不得伸於是罷訟行乞以養母凡所得食必分精麤爲數等置筐中雖餓未嘗食人詰之則曰母尚未食吾不下咽也有潛窺之者見蟲子乞過午卽歸扶其母坐寺簷下將所乞食物列母前低告曰某者精某者麤母食已乃食然食少輒止以其餘仍

置筐中留以復進後母歿蟲子不知所終採訪冊

王賜祺字錫山庠生家貧嚴取與事繼母孝妻愚不能執婦道凡井日刀匕無不躬親者繼母弟恃愛驕惰賜祺委婉教導卒無就後繼母歿妻亦死無子遂授徒於鄉年七十餘卒於館

高五以賣炊餅爲業弟高六外出久其母年七十餘喪明兼病足不能行思六綦切常涕泣時五年五十餘負母遠尋弟初行半里許必少息久之行數里亦不覺勞後果尋得六五仍負母歸

于錫蕃母歿日涕泣三年不茹葷酒不談笑不入內父

東光縣志

卷八 人物志上 孝友

七

歿亦然其天性純篤如此

邢爲鏢以賣水爲業母好飲得錢輒行沽婉容以進終身無遽色

張鳴皋父早亡事母甚謹母病夜不解衣湯藥皆躬親不假家人手如是者數年後母歿十餘年未嘗見齒

皆同上

義行

明

李八公洪武間寓居東光其後嗣漸盛闔族捐貲建祠堂一所春秋祭祀置田六十畝餘以給貧不能婚葬及讀書之無供給者至今未之或改舊志

于德健石氏僕也正統閒石家罹於難德健潛負幼主仲良自京師逃於東光馬姓家馬石外家也因改氏爲馬越三世始復姓德健卒石氏子孫葬之於先塋側四時設位致祭採訪冊

趙子恭好善樂施凡義舉必首倡靖難後邑城日就頽

東光縣志

卷八 人物志上 義行

一

謀諸邑侯士大夫修葺之及興工獨修南面 文廟傾圮與郭友諒等捐資創建內外煥然一新續志稿

郭友諒家巨富正統六年歲大饑出粟千餘石濟饑民有司以聞賜敕旌嘉又與子允等及弟友才友德友敬修 文廟正殿兩廡縣治敝復捐資修之邑中藉以修舉者甚多子七人濤以明經任膚施知縣元孫

興治進士

舊志參續志稿

馬經視遠孫正統四年進士任湖廣宜章縣令解組歸里置義田百二十畝本門輪流經管春秋祭祀公用外擇族中不能婚葬者給之同上

廖瑄字景輝號淡庵本廣東瓊臺人年十六入邑庠宣德中坐父北徙途經東光因家焉僮從義博綜經史善爲行書邑人多修贄受學瑄亦以師道自任持範甚嚴里有是非不決者皆就質瑄面折之無少假借然心極惠慈喜賑貧之景泰中歲大饑疫死者枕野瑄率家人爲掩其骼鄰有不能葬者爲市棺具稱貸不能償者潛焚其券家人有以市量鬻粟者亟命毀之曰人饑若此爾乃乘時罔利耶聞者稱服嘗有男子夜醉僵臥雪中命昇於家家人懼其死爲累瑄曰吾知活人耳他非所計也其人得不死童僕有竊

東光縣志

卷八 人物志上 義行

二

粟者家人欲窮治之瑄曰彼亦爲衣食計耳且其所得幾何卒不究一生仁愛類如此子紀官至冢宰

通志

參舊志

張一鶚字中齋好施予於大龍灣南施義田十餘畝以

給貧無葬所者

採訪冊

莊綱字惟大太僕蒞民父也性慷慨喜施予不與人競有販鬻者失囊資欲自盡遂助以貨財俾得歸又有孫姓者泰安州人爲令史攜家南還路被劫將鬻幼女給路費綱憐之亦助之資得歸值歲饑買一乳母聞其子猶在曰捐汝子以乳吾子吾弗忍也遂焚券

不索其值生平陰行善事多爲人所不知者年六十

五卒

續志  
稿

王友諒暨子克敬等來寓黑龍廟之王家莊後子孫蕃庶建睦族敦倫祠堂一所雖支屬絕嗣無不與焉每逢朔望率族眾詣祠講聖諭置義田二百餘畝以薦祖考兼助喪婚之不給者設立義學以訓子孫十餘

世未之或改

舊志

鄭杲者力行仁讓五世同居家口百餘置田二萬畝縣匾旌其門嘉靖初有賊二十餘人先聲欲劫其家杲姪鄭堂城居聞知赴家路逢人阻之曰子何飛蛾投

東光縣志

卷八

人物志上 義行

三

火也堂厲聲叱之至家簡練防守泣曰吾家眾口死須在一處耳豈肯聽旁人之言不赴救耶後賊至果不爲災

同上

馬紹芳字聞宇選貢生侍御允登仲子也初家居時念族眾且貧有不任祭者曰吾先大夫捐附郭田二百畝以所入祀祖考今支派日繁恐有不給於是復捐田二百畝務使祭祀豐潔又建親睦堂三楹每有事於先塋必聚族人而觴之或有行事乖理者卽於是日勸戒規正業師張貸金二百不受償值歲歉輸粟四百石邑令王額其廬曰義門後仕至廣甯監軍道

以勞瘁卒祀忠義祠

舊志參  
縣册

馬斯臧廩膳生鴻臚寺序班家巨富萬曆末土寇蜂起  
四行擄掠斯臧出家資招募鄉勇以捍禦之鄉里賴

以安全

採訪  
册

王愛槐崇正十二年助兵餉銀九千兩四鄉得免搜括

輿論義之

舊志

國朝

于雲佐字贊雯監生考授縣丞創建光裕祠置祭田三  
十餘畝設義塾並捐東路義學田數十餘畝平生恤

老濟貧義行不能枚舉

續志  
稿

東光縣志

卷八

人物志上 義行

四

馬子存增貢生康熙癸未旱首倡救荒之策捐粟四十  
石勸富室出粟以濟全活甚眾督憲表其門曰仁能

濟眾

縣册

王允升鄉飲介賓好善樂施建城東王家橋三座獻縣  
臧家橋一座乾隆中府憲王贈樂善不倦匾額

同上

鄭某名字失考隆冬時見流民過中有一婦衣不蔽體  
抱兒涕泣鄭惻然脫皮衣授之婦曰我固寒翁年已

老解衣衣我奈翁何鄭曰無我顧也堅予之而去

採訪

册

馬永圖字周籙號旭亭廩貢生任四川江津山西稷山

知縣陞內閣中書

世宗憲皇帝謂有民社才

命以陞銜任山東城武知縣後罷歸家居從父顯娶於夏數載而亡夏撫孤守節孤復天逝貧至不能日一食永圖以錢帛恤其家歲時靡缺三十年無倦色及夏卒力爲請 旌建坊復以從子兆清爲之後割田三百畝宅一所贍之建宗祠置祭田刊族譜罔弗及身畢舉卒年八十二

墓誌參  
採訪冊

王沛敘字豐萬嘉言裔家中落無所給嘗駕小舟往來衛河中乾隆初油房口隄決人多買舟爭射利沛敘

東光縣志

卷八 人物志上 義行

五

亦泊舟其間時有老幼十餘口立淺水中欲得濟或索其錢不得竟去之一家號哭沛敘惻然濟之出會舟中飯熟徧食之皆感泣值歲歉嘗買人破屋券已定矣計其利可十倍經半載其家欲退券慨然子之無吝色後生子三長武舉次三皆諸生孫明經爲邑

名士 採訪冊

金萬良布衣士也性長厚好善樂施乾隆中修桑園淺隄岸地近隄者多懼侵蝕萬良舍其地若干畝築隄以捍河流毫不爲地鄰害他如濟貧扶困負債者不責償善行不勝枚舉鄉里稱爲金善人

續志  
稿



魯論字玉書號耐庵庠生乾隆十三年重修魁樓二十年監修 文廟每逢丁祭 文廟備燈百餘必親身辦理歷六十餘年不懈年八十五卒邑令張命春秋兩祭必頒胙於其子孫至今不替縣册

路雲峯字東岫附貢生賦性慷爽疏財好義乾隆三十九年歲饑出粟數百石濟鄰里至明春乏粟又典衣糴粟給之活民無算通志

安揚先家頗裕乾隆五十九年河西山水驟至村居湮沒人多逃散揚先具酒食資財率眾築隄不日而成鄰封賴以安堵續志稿

東光縣志

卷八

人物志上 義行

六

王思恭字翼如監生好善樂施嘗建義塾於鄉文學士出其門者甚眾每值歲終舍粥施衣以濟貧後子孫多貴者人以爲厚德之報採訪册

張紳字敬書太學生性仁厚父母同年歿執喪六年每飯必設祭乾隆中旱雨後豆種騰貴紳傾倉以貸後買豆兩船繼之不責償自奉儉約而濟貧乏者飲食衣服無不周至時以孝弟忠信教鄉子弟每大雪必埽宅之空隙處以飼饑鳥烏鴉往往集其肩背不爲驚蓋亦忘機然也年八十餘卒邑令表其門曰善行可風鄉人又以惠周閭里額其門同上

路可遠字茲川輕財好施中年家漸落寄津門有紹興  
李某寓津久貧不能娶聘妻已三十七歲後寄李信  
曰如不娶非縊卽尼矣可遠聞之慨贈百金俾完婚  
又津人某投河急呼救之其人曰翁雖救我終無生  
理詢之一家十餘口窮弗支可遠贈之金又自製濟  
坤至寶丹濟人所費千餘金賴存活者甚眾家乘五  
十年未修出資獨任其事有一弟兩孀姪婦每月給  
以薪米資二十年不少怠同上

孫毓璜字文齋庠生家素裕道光中捐粟賑饑咸豐四  
年粵匪距連鎮出柴米餉兵討賊時人義之泰親王

東光縣志

卷八 人物志上 義行

七

僧額其門曰義重篋壺通志參  
縣册

張鶴齡字萬倉道光十三年歲饑出粟濟急江西學憲

汪表其門曰德潤圭璋採訪  
册

馬志舒字和衷監生舍藥濟眾三十餘年族黨稱之年

踰七十卒同上

朱文瀾字藝汀增生武舉景輦嗣子家小康祖父多懿  
行文瀾尤善繼焉道光十三年旱米價騰踴里閭多  
不舉火文瀾出粟若干石按戶分贍同里四十餘家  
均賴以活尋雨降秋有薄穫里閭各以粟償辭弗受

人皆感戴續志  
稿

莊恆洽家素貧慷慨好義漫河西岸舊無隄防凡遇水漲被害者十數村道光十五年恆洽倡率鄰疇峻築長隄南北二十餘里高厚二丈許自是沿隄村落得免水患後人名此隄曰莊公長安隄勒石以誌其事

縣 冊

劉殿英 恩貢生急公好義道光十六年重修接佛寺殿英於寺中設立義塾教鄉子弟鄰村德之子千總鳳苞繼父風三十七年北堡重修義渡捐施數百金

無吝色

採訪 冊

馮希宓字邁軒雅善岐黃活人最多品行端直尤爲鄉

東光縣志

卷八

人物志上 義行

八

里所推重歿後城鄉思慕爲建碑於其墓又額其門

曰德孚眾望

同上

文學

唐

苗神客東光人官周王府戶曹參軍與著作郎元萬頃  
等入禁中撰列女傳臣軌百僚新誠樂書等九千餘  
篇朝廷擬議表疏皆密使參處以分宰相權時謂之  
北門學士供奉左右二十餘年

新唐書

宋

劉荀尚書右僕射摯之孫著有建炎德安守禦錄明本  
釋等書講程朱學謂致力當求其本因舉切要者二  
十三端各標爲目著論以發其旨其文剴切詳明務

東光縣志

卷八 人物志上 文學

一

達其意而止至所論不盡者又自爲之註北宋諸名  
臣之言行出處亦附註焉孝宗時知盱眙軍事殆達  
不得行其志能有所作以傳後世者歟

四庫全書目錄

明

霍德行字道本號文所幼敏悟過人甫五歲大父口授  
四子書通鑑事輒不忘稍長從劉仲河先生遊敦本  
篤行卽以大儒自期隆慶時應童子試知縣左橫甚  
重之學使亦俱爲擊節以歲貢官涉縣訓導陞瀋陽  
衛教授名動三韓未期年請告歸里督撫贈之金而  
重以詞曰振鐸風清掛冠節重撫齋中之獨鶴見林

下之一人及歸里建宗祠置義渡善行尤多而著述

為極富云祀鄉賢

舊志參雍正通志河間府志

馬維驥字冠海質英敏未弱冠遊泮父騰雲曲臺著名

維驥承父教獨治戴經倡後進優行冠一邑學使嘉

焉命邑令置匾獎之

續志稿

國朝

馬廷翰字德鴻廷宣胞弟穎慧嗜學廣積典籍日事研

稽好賓客善吟詠順治二年舉於鄉任安州學正勤

於訓課士風丕振內陞雍秩三舍生胥欽師範引疾

歸怡情詩書與未仕無異杜門養高遠近仰重卒年

東光縣志

卷八 人物志上 文學

二

六十五著有德鴻詩詞文稿

通志參舊志

馬孔懷字士雅康熙八年舉人十二年進士不樂干謁

亦無意仕進家居十餘年著述甚富有樂志軒集屨

提子集書法精工詩詞蒼古年六十四卒詩載畿輔

詩傳

同上

馬孔揚字王烈號采公別號蘭莊增生之駮子善詩文

工書法尤邃理學康熙十五年歲貢初官大名府學

司訓開五經館受業者數百人陞任後為立去思碑

及司諭真定崇學訓士功倍天雄深為安溪李光地

器重辛酉科及門獲售者五人一領解稱盛一時著

有抱甕園集櫺門卮言續志稿

霍九錫字君佑博通載籍每有所作振筆直書迥絕恆  
蹊見者無不歎服康熙五十二年領經元嘗充河南  
同考官著作今無可考

邢文域廩膳生性嗜讀經史源流瞭如指掌文章爲一  
邑冠邑令趙憲慕其學嘗造門與談詩論古今事深  
加敬服著有學庸講義皆同上

馬兆鰲字來雲號醒流同知永命子少孤力學雍正十  
三年領鄉薦乾隆七年成進士應河北道胡公紹芬  
聘督教汝南天中書院三年門下士多騰達者所作

東光縣志

卷八 人物志上 文學

三

詩古文詞韶倩詳雅可人心目官江蘇靖江縣令未  
二年以勞瘁卒於官著有醒流集詩載畿輔詩傳母  
胡氏通詩書能文章兆鰲之學承教於萱堂者居多  
宮保李以教媿和熊額其門通志參縣册

李若龍字又明雍正十三年舉人文詞精粹詩類香山  
紀文達公昀謂爲一生得力師亦可想其概矣詩載

畿輔詩傳續志稿

馬躋嶢字薌泉乾隆二十五年舉人任趙州高邑教諭  
工詩古文詞著有一葉山房詩稿選入藻雪齋又輯

古文錦若干卷同上

趙璘字霽光號曙堂乾隆三十年拔貢秋闈領鄉薦任  
順德府學訓導山東信陽鹽場大使涿州學正端方  
和平學業淵深書法冠絕一時所在受業者甚衆士

林皆仰重焉著有橐中稿詩載畿輔詩傳

通志參  
縣册

王璣字允衡亦字月浦副貢生太史嘉言裔也幼聰穎  
年十七補博士弟子員屢試冠軍八膺鄉薦文名藉  
甚時鄰邑有大璫劉某耳其名聘之璣笑曰吾卽貧  
亦何至爲宦者師力卻之未幾宦者敗頗有株連而  
璣獨超然物外焉負性灑落愛游山水足跡所至幾  
徧大河北著有損廬詩存詩載畿輔詩傳子本仁

東光縣志

卷八 人物志上 文學

四

字聚之號梅村著有菘香堂詩草詩載三輔采風錄

畿輔詩傳

同上

莊石璞字韞玉號蝶菴增生貌古性梗行不旁睨平生  
以吟詠自娛遊其門者多穎異士詩載畿輔詩傳念

堂詩話

續志  
稿

侯大晟字東厓號亞李乾隆三十五年 恩科副榜三  
十六年舉人幼嗜學家貧燃香照讀博通古今惜著  
述散失不存世惟傳倪學使承寬拔爲通省冠軍詩

同上

學憲倪贈侯生大晟詩選士羅眞品如登徑寸珠  
懷奇搜合浦儲美採明湖照乘希爲貴傾盤轉莫

渝精涵憑水濁光耀任名糊善鬻非求櫝  
能藏不繫襦殷勤勞拂拭勿致溷塵塗

畢汾字禹門歲貢生品行端方學問純粹教授生徒成全甚衆選有唐人試律戈太史東長爲之序尤善鼓琴饒有逸趣乾隆五十四年 恩賜副榜五十九年 恩賜舉人旋授職翰林院檢討

趙瑾文字琢菴號秋坪嘉慶十八年拔貢性嗜學所作古近體文皆寢食大家得其神髓兩任衡水司諭課士之暇惟以詩文自娛卸篆後養疴里門猶不釋卷年七十有五卒著有強恕堂詩文稿

馬德稱字又堂號調軒庠生植子天資聰敏經術湛深

東光縣志

卷八 人物志上 文學

五

性淵穆淡仕進年近五十於道光元年 恩科舉於鄉任甯河訓導期年告歸仍教授生徒門下多知名士里黨無識者亦敬重之嘗有醉人詬於路遇德稱亟斂容立深自慙終身不復飲酒蓋感人者深也里有彙芳園每偕朋輩吟詠其中性喜菊別號傲翁年七十四卒著有謙益堂詩賦文稿

王守正字景韓號蘭村 恩貢生增生彤子幼敏悟嗜學試輒冠軍工吟詠宛肖蘇州慶雲崔旭極推重之書法宗右軍間雜歐陽筆意行草尤工古文詞出柳州廬陵間時藝清粹學使者稱其有天崇人才氣翰



苑不多見而天性沈潛一洗囂張之習年六十二卒  
著有蕉雨軒詩草拙菴棄餘稿詩載念堂詩話晚香

倡和集

俱同上

于達字鴻漸性嗜學自幼出就外傅負笈擔囊不憚勞  
悴年十九補博士弟子員嘗肄業金臺書院院長卓  
海帆深器重之道光五年拔貢二十年副榜晚年病  
目猶手不釋卷著有綱鑑集要四卷

採訪冊

常震東字春雷號鐵山 恩貢生同治元年副榜少勤  
學至老弗懈詩文清刻貌古性直人皆敬服年七十  
五卒著有掬芬軒詩文稿

同上

東光縣志

卷八

人物志上

文學

六

馬德潛字復堂號蘭谷父天孫方嚴不苟德潛性沈摯  
寡言笑博學善悟精細過人早歲餼於庠詩文詞賦  
悉規仿大家書法追晉人每歲科應試文不過三百  
字一揮而就榜發皆優等邑令蕭以孝廉方正舉不  
就專心考訂晚年涵養益純性嗜飲終日持卷自酌  
默無一言室中自築小龕闊僅容一人顏之曰密爾  
內置琴劍各一坐臥其中矜才傲物者見之其氣自  
平邑令陳額其門曰行孚人望年五十六卒著有淵  
沕齋詩文稿邑志續稿

縣冊兼  
採訪冊

王伯寅字仁虎歲貢生沈潛好學著有學步漫吟草詩



隱逸

宋

張預字公立隱居不仕善談兵嘗以古今將帥用兵成敗無不與孫武書相合因取古良將百人集為一書

以武之兵法論列其後名曰百將傳上於朝書奏詔

藏秘閣中祀鄉賢府志

進百將傳表臣預謹昧死言臣常讀杜牧注孫子序至其所謂猶盤中走丸丸之走盤橫斜圓直繫於臨時不可盡知其必可見者丸不能出於盤也臣始謂此言非至論及觀歷代史書上下千餘載間將兵者所以成所以敗莫不與武之書相符契由是乃以牧之言為信然臣因擇古之所謂良將者得百人以其傳集成一書分為十卷以太公為首而其次皆以年代題曰百將傳凡史辭泛漫而

東光縣志

卷八 人物志上 隱逸

一

不切於兵者一刪去之或非兵略而可以資人之智慮者間亦存焉雖期便於觀閱然亦全其始末傳取數事先以孫子兵法題其後次以行事合之以參校其得失學者觀此不獨簡而易習明而易曉抑亦知孫子之書不為空言而古之賢將所以成功者豈無法哉臣編此書數年而後成雖不足以補陛下教育武士之道然臣惓惓之誠勤亦至矣惟陛下赦其狂妄謹昧死上進

劉居正摯之父摯兒時居正課以書朝夕不少倦或謂

居正一子獨不可少寬耶居正曰正以一子不可縱

也卒成名賢舊志參宋史

明

劉誠字克誠號雲溪性純雅讀書好禮以琴侍襄王命之對坐後辭歸王作春江送別圖詩贈之永樂初少保姚公祭酒胡公薦於朝徵至闕下屢詔入便殿賜坐鼓琴命官不受隱居林下以布衣終身舊志

劉鴻字公序號琴樂聰敏寬裕博學善琴文皇徵至朝命鼓琴於庭寵渥洽至予官不受歸隱雲間同上

鄒野漁宏治時嘗從征劉烈有破妖功命官予金皆不受惟徜徉肆志與邑尚書廖紀善一日居紀家同諸新貴題壁間邵子漁樵圖詩云士林朽木歸樵斧宦海貪魚上釣竿須信堯夫原有意時人休作畫圖看

東光縣志

卷八 人物志上 隱逸

二

諸新貴改容受之後年老常依於紀紀卒恥更依人遂窮餓以死舊志參雍正通志

馬之駮字元章號墨隱別號髯癯邑增生參藩允登孫時當明季不求聞達閉戶著書時與友人放懷詩酒慷慨悲歌常作小詩云少年猶未識人事每思異域立奇功英雄畢竟成何用長嘯鶯花煙雨中其胸次可想矣年四十四卒著有墨隱詩草三十卷詩載畿

輔詩傳

通志

莊一夔字季彥號集成士文子天啟七年舉人工書善文慨於時事不屑以孝廉通籍續志稿

張星燦字克升崇正中為訓諭使明鼎革隱於壽春探訪

冊

國朝

馬孔思字尼孫順治八年副榜隱居著書邑令以博學

鴻詞薦不就著有愛吾廬集續志稿

張煒康熙五年舉人學優養邃不事干謁士論多之採訪

冊

增生趙電文八品銜庠生馬植九品銜馬棻增生王彤

庠生王本固居衛河側學優行篤不求聞達時稱衛

濱五老同上

東光縣志

卷八 人物志上 隱逸

三

景州戈其邁撰五老傳并序衛濱五老者吾郡衛  
河之濱五老先生也夫老者多矣何以止記其五  
以五老之德皆卓然其自異而年又最高足為一  
鄉之望雖沒世後人猶稱道之故據所素聞為各  
立小傳以志老成之不可忘云趙電文字震協  
東光邑增生性冲和以孝友聞與人相接藹然秩  
然情誼綦篤擊精日者言尤嫻喪葬大體處事謹  
慎周密有斷才親族鄰里多倚賴焉家貧不忘耿  
介粗糲相安全家親如也八十七卒無論富貴貧  
賤靡不敬服而稱誦之年八十七卒馬植字培  
初別號杏園東光人以名臣後為邑諸生歷事繼  
母至老而色養不衰家中落自芸田三畝數十年  
安之若素未嘗苟取於人性嗜學不以身任重勞  
輟然終身不舉子試惟以經史娛性端方渾  
厚質實不華故所為詩多寓高隱之意著有五經  
貫珠二卷年八十四卒馬棻字蘭圃東光人清  
門先生後也幼孤貧奉母克承菽水歡入塾三月  
輒以負米析薪罷嘗隨宦雲南綜閱人情通達世  
事勤學好問卒以博洽稱并精越人術活人甚多  
晚年致小康以親在日未獲具甘旨奉每生風木

悲其葬親也悉自出資斧不以累其兄厚瞻親族亦毫無吝色年八十四卒王彤字禹城號霞峯東光人內翰嘉言裔也幼記前生事為山東禹城縣諸生故字禹城仍卒老於增生性端重事親及兄孝友兼盡工書善詩文而不肯輕以示人明醫術尤精於弈得酒中趣自號醉鄉居士然生平未嘗有醉時也與人交邪正分明好惡各以其類應究不輕言人過淵雅之風人爭羨之年六十四卒著有霞峯詩草載畿輔詩傳王本固字竹村東光邑庠生其先以進士起家世通儒術性聰慧承順能得父母歡工詩善書兼精繪事博學眾技用心之專至忘寢食故凡星相醫卜以及詞曲武藝之類無不通曉獨不生理性之適雖饑飧不給仍復陶然自得之樂世以曠達稱年七十有三卒著有竹村詩草

技藝

元

劉仲禮號石林天資高古剛毅好學善琴名公大夫爲  
寫石林圖以贈襄王聞其名聘之爲師嘗爲寫像製  
贊曰丰骨稜嶒神氣超越幽壑清冰長空秋月其寵  
遇如此明文皇初重加徵聘未至而卒

舊志

國朝

馬玫字五玉庠生有神醫之目治病不用藥而無一物  
非藥凡治人病初不明言何症人問之亦不答診脈  
已卽出隨意掇拾草木零星物俾煎服之無不愈者

東光縣志

卷八

人物志上 技藝

一

有富翁子得虛腫疾歷數醫罔效已垂危矣玫至其  
家視之蓋新婚未久者時方嚴寒鑪炭烘於室玫曰  
旣求我治當依我否者我不治其家知玫之神於醫  
也聽之玫曰取柴草數捆來置庭中火之曰諾曰取  
錘畚掘地深長各若干尺如墓穴狀曰諾掘已曰將  
病人重懸脫卻單衣裊置穴中衆有難色玫曰我  
曾言之不依我我固不治其家無奈也從之玫曰覆  
以土其家哭泣不肯從玫促曰覆以土土厚尺有咫  
露其頭面其餘盡覆之勿使薄斯時病者氣已絕矣  
玫曰善視之勿動氣甦當告我久之人告曰氣甦矣

曰未也又告曰目動矣曰未也有頃曰大汗出矣曰姑待之乃徐徐自房中出令啟其土以衾覆之舉入於室病者爽然若失服藥一劑遂愈玫乃曰此新婚體虛屋太熱木器未乾而受漆毒也若徒投以參茸是閉盜於室速其死耳借地氣以拔其毒非汗出不可今無恙矣聞者皆服又一人騎馬射馬驚首覆而下斃玫曰未死使四人牽繇被四隅轉側之果甦曰此腸胃顛倒易位也腸胃滑轉側之則結自解可勿藥矣其治人病多類此著有脈訣淺說痘疹淺說各

若干卷

采訪冊

東光縣志

卷八

人物志上 技藝

二

馬永祚字建侯增生善歧黃療病不拘成法往往出人意表一人與永祚素有隙得腹蠱症至死不敢求永祚治永祚曰羊叔子豈醜人者哉雖然若欲愈當食砒石二兩許病者聞之卒不敢信將死勉從之下蟲斗許遂愈人共服永祚之度著有女科彙要胎產新法諸書後人檢其方用之輒有奇效

霍紫綬字宸章號鷓園又號耐軒監生工畫山水書法得米海嶽神髓晚年習寫竹蘭名稱四邑著有又耐軒詩草鷓園詞存詩載畿輔詩傳

趙志恬字雍度幼嗜學頗穎敏書法松雪得其神髓事



親有孝名中年應童試不務帖括卒弗獲售晚年家  
益落書益蒼老以紙求書者戶不絕跡雖日不舉火  
未嘗以升斗望報士論多之

馬湘工技擊謙退不伐邑人多重之道光初有教匪數  
人煽惑城西界捕役不能捉邑令唐聘湘至立擒之  
賜之金不受後制軍劉慕而召之與語大悅獎六品

銜年八十餘卒

俱同上

附載

附載者以其人已流寓他鄉或其後竟寄外籍而史傳數典仍不忘其祖則亦可風也昔趙佗已長蠻夷而父母之墳終懷眞定明允雖居巴蜀而子由之集猶號樂城木本水源古人重念故載之然而風行已不著於土矣故附之

戰國

肥生烈趙人也家於河關

河關與弓高相近見古蹟考

父仕趙爲都

尉秦滅趙惟都尉城未下誓以身殉秦將攻破之不屈被殺烈欲復父讎毀面垢服閒道入秦爲秦獲置

東光縣志

卷八

人物志上

附載

四

鼎欲烹之烈瞋目流血引匕首摘秦將不中躍入鼎中遂死焉

府志

元

劉世賢字希孟宋丞相忠肅公九世孫中書震孫之曾孫也忠肅公善琴子孫世其學其後徙湖州至世賢遂以琴名浙右爲人端重持論正大虞文靖公嘗贈以文遊松江與曹知白善至正癸巳卒歸葬湖州

舊志

國朝

路國治幼入陝籍由行伍歷陞雲南提督

采訪冊

莊希韓寄籍德州子楫道光辛巳恩科舉人任東阿

縣教諭江西新城縣知縣  
上同

東光縣志

卷八 人物志上 附載

五

